

新 中 學 教 科 書

初 級 本 國 歷 史

下 冊

編 者 金 華 金 梓 兆

校 者 杭 縣 戴 克 敦 杭 縣 張 相

中 華 書 局 印 行



新中學教科書 初級本國歷史 卷下

目錄

頁數

第三編	近世史——自宋之統一至清末——約九五〇年	
第一章	宋之統一與集權	一
一一一	宋之代周及統一	一一二
三	集權政策之流弊	一一一
第二章	宋與遼	三
一一四	北宋之遼患	一一五
法與黨爭		
西夏之牽掣		一一六
新		
第三章	宋與金	五
一一七	宋之結金圖遼	一一八
宋金啓釁		一一九
宋		
之南渡		一二〇
宋金之和戰		

目錄

第四章 宋之理學……………九

一一一 理學勃興之原因 一二二 理學家之思想與派別

一一三 理學家思想之變遷

第五章 蒙古之勃興……………一五

一二四 蒙古族之起源 一二五 成吉思汗之雄略 一二二

六 拔都之西征歐洲 一二七 蒙古之入主中國 一二八

蒙古勃興之原因

第六章 蒙古帝國之瓦解及明與蒙古之對峙……………一八

一二九 蒙古之瓦解 一三〇 元之見逐於明 一三一

明與蒙古之爭衡 一三二 內外蒙古之起源

第七章 宋元明時代東西洋之交通及歐人東漸……………二七

一三三 宋代之東西交通 一三四 元代之東西交通 一

三五 明代之東西交通 一三六 明代之海外殖民 一三

七 歐人之東漸 一三八 歐洲學術之輸入 一三九 殖

七 歐人之東漸 一三八 歐洲學術之輸入 一三九 殖

民事業之挫折

第八章 元明之理學與宗教……………二三四

一四〇 元及明初之理學 一四一 王守仁與理學之改革

一四二 王學之流變 一四三 元明之宗教 一四四

儒釋道之合流

第九章 滿洲之崛起……………二三八

一四五 女真之復興 一四六 滿洲之脅降朝鮮內蒙古

第十章 明末流寇之亂及清之入主中國……………二二九

一四七 明之亂原 一四八 流寇之亂 一四九 清師之

入關 一五〇 江南之平定

第十一章 俄羅斯東侵及中俄交涉……………四四

一五一 俄羅斯之東侵 一五二 中俄之衝突 一五三

尼布楚條約及恰克圖條約

第十一章 清之兼併蒙回藏……………四六

一五四 準噶爾之統一厄魯特蒙古 一五五 厄魯特與清之

抗衡 一五六 西藏之平定 一五七 回部之平定

第十二章 清之經略西南……………五〇

一五八 西南之苗患與改土歸流 一五九 大小金川之開闢

一六〇 緬甸暹羅安南之服屬

第十四章 中英鴉片戰爭……………五三

一六一 戰前中英交涉 一六二 鴉片交涉 一六三 中

英啟釁 一六四 江寧條約 一六五 江寧條約之影響

第十五章 太平軍之起滅及其影響……………五七

一六六 清代統治力之消長 一六七 太平軍之起事 一

六八 曾國藩之湘軍 一六九 太平軍之內訌及敗亡 一

七〇	捻亂與淮軍	一七一	陝甘之回亂	一七二	左宗
	棠平定新疆	一七三	伊犁交涉	一七四	滿漢勢力之消
	長				
第十六章	英法聯軍	六四			
一七五	起釁之原因	一七六	天津條約及北京條約	一	
七七	天津條約之影響	一七八	東北失地		
第十七章	西南邊防與英法	六七			
一七九	法國之經營安南	一八〇	中法戰役	一八一	
	滇緬分界問題				
第十八章	清代學術思想變遷之趨勢	六九			
一八二	王學之反響	一八三	漢學之特盛及其流變	一	
八四	史學之特盛及其影響				
第十九章	中日之戰	七五			

一八五 朝鮮交涉 一八六 甲午之役 一八七 臺灣之

割讓與遼東之交涉 一八八 要港之租借

第二十章 清末革新之動因及其經過……………七九

一八九 戊戌政變以前之政治 一九〇 戊戌政變 一九

一 戊戌政變之反響 一九二 拳匪之亂 一九三 聯軍

入京 一九四 和議告成及東三省問題 一九五 和議定

後之新機 一九六 預備立憲

第二十一章 地方制度之沿革……………八四

一九七 行省制之起源 一九八 地方權之漸重 一九九

地方自治之消長

第二十二章 近世期之文藝及科學……………八七

二〇〇 宋元明清文學趨勢之大概 二〇一 八股之流毒

二〇二 宋元明清之藝術 二〇三 清代科學之發展

第二十三章 近世期之民生狀況……………九四

二〇四 各民族競爭分合之大勢 二〇五 南北饒瘠之概狀

二〇六 國家經濟政策之影響 二〇七 國內之交通

二〇八 奴婢及雜戶 二〇九 風俗

第四編 現代史——民國時代

第一章 辛亥革命及中華民國之成立……………一〇三

二一〇 革命黨之活躍 二一一 武昌首義 二一二 南

京政府之成立 二一三 南北議和及清帝退位 二一四

正式政府成立

第二章 蒙藏與英俄……………一〇六

二一五 英俄之圖蒙藏 二一六 外蒙獨立 二一七 西

藏問題 二一八 外蒙匪亂

第三章 民國成立後政治上之紛擾……………一〇八

二一九 袁世凱之野心及帝制運動 二二〇 張勳復辟

二二一 南北政府之對峙

第四章 中日交涉……………一一〇

二二三 山東問題與二十一條之要求 二二三 巴黎和會與

山東問題 二二四 五四運動 二二五 華盛頓會議

第五章 文化運動……………一一五

二二六 文化運動之動機 二二七 新舊思想之衝突 二

二八 文學革命 二二九 國語運動 二三〇 社會問題

二三一 歐美學術之輸入及國故之整理

全書結論……………一二〇

附圖目錄

頁數

宋遼關係圖	一八
宋金對峙時大勢圖	一八
元末羣雄割據圖	二一
明與蒙古對峙圖	二四
元代及四大汗國圖	二六
東西交通圖	三〇
清初兼併蒙回藏圖	五〇
清初經略西南圖	五一
清中葉及太平軍圖	六〇
清平回亂圖	六三
東北失地圖	六七
清末外交失敗地圖	七八
大明通行寶鈔攝影	九七

610.96
987

歷代統一
中國本部
者宋為最

新中學
教科書
初級本國歷史 卷下

第三編 近世史——自宋之統一至清末——

第一章 宋之統一與集權

一一一 宋之代周及統一 後周世宗柴榮雄武有統一之志，征遼

歸，卒於途。嗣主幼弱，兵士擁立趙匡胤為帝，改國號曰宋，定都於汴，是為宋太祖。五代之局，至是告終，時民國前九五二年。然其時各割

據國之存者，尚有北漢、後蜀、南漢、南唐、吳越、南平、楚、七國。

宋太祖既代周，乃藉其夙所自統之兵力，以次削平之。惟北漢以居宋遼

緩衝之地位，至宋太宗時始見併。宋雖統一，燕雲一帶終不能收回，歷

代統一中國本部者，版圖實以宋為最小。

一一二 宋之集權政策 宋太祖既以受擁戴而代周，乃亟謀所以

收魏晉以還「鎮將作天子」之局。因之乘併吞諸割據國之際，悉以文臣

第三編 第一章 宋之統一與集權



211728

治理各州縣之事〔一〕。其本爲節度使所鎮守之處，則於其移鎮受代時，一面下令，一面即發兵備之，以收政治權於中央。更於各路置轉運使，以掌財賦，以收財政權於中央。又定更戍法，使將不得專兵，以收兵權於中央。且以中央重臣出鎮州軍，不去其中央之底缺，更無異收地方之權直隸於中央矣；後世有官、差、之分自此始。由是唐以來藩鎮跋扈之弊盡去，成君權絕對無限之政局，因而於政治上劃一新時期。

官差之分
君權無限
政治

注 〔一〕見宋史賈黃中李沆等列傳。

附錄 時石守信、王審琦、等以故人宿將典禁兵，趙普數以爲言。帝因晚朝飲酒，屏左右謂守信等曰：『朕非卿等不及此。然天子大艱難，殊不若節度使之樂……』守信等請其故。帝曰：『是不難知，此位誰不欲爲。』守信等頓首曰：『陛下何爲出此言？……誰復有異心者？』帝曰：『卿等固然，其如陛下欲富貴何？一旦有以黃袍加汝身，汝雖欲不爲，其可得乎？』明日守信等乞罷典禁兵。

一一三 集權政策之流弊 宋之兵制、精銳皆聚於中央，諸州之兵、則謂之廂兵，大抵皆不堪戰陣，而惟以充勞役。且諸州廂兵皆內總

宋邊郡無重鎮

於侍衛司，一軍分駐數州，或一州兼屯數軍之兵；益以文臣知州事，既不知兵，所轄州之駐兵，又不能收指臂之效，乃成外輕內重之局面。邊郡自是無重鎮。後此金元南下，州郡望風而破，皆由此也。

第二章 宋與遼

一一四 北宋之遼患 宋之一代，幾與「種族競爭」相終始，而始與之爭者實爲遼。遼雖爲開世宗所挫，然國勢正盛，宋屢與遼戰而屢敗，遼益懸軍深入。眞宗時遼復大舉入澶州，眞宗用寇準之言，親禦之。遼氣奪，有和意。寇準請擊之，不聽，反許歲幣以和，與盟於澶州。自後宋遼以白溝河爲界，但遼猶覬覦瓦橋關（瓦橋關）南地；終北宋之世，遼常爲患。遼衰而宋亦南渡矣。

澶州之盟 終北宋之世遼常爲患

一一五 西夏之牽掣 夏之先，本黨項羌。唐初內徙靈夏諸州地。唐末有拓跋思恭者，以助平黃巢亂，賜姓李，封夏國公，是爲西夏之始。至宋初，西夏時而臣宋，時而臣遼。及元昊卽位，西攻吐蕃，回鶻

西夏之始

，勢驟強；用華州人張吳二生爲之規畫方略，遂大爲宋患。宋聚天下精兵，僅能禦之，而不能克。宋之不能弭遼患，皆由西夏牽掣之也。

宋之遼患
由西夏牽掣

一一六 新法與黨爭

宋自困於遼夏，壹以苟且羈縻爲計。宋神

黨爭起

新法病民

宗年少卽位，欲雪歷朝之恥，力排衆議用王安石爲相。安石亦以富強自任，勵行新法。當時舊臣韓琦、司馬光、等皆不以爲然，而黨爭起。安石乃引用呂惠卿等小人以自助，新法遂不免病民，爲舊黨所藉口。又與西夏開釁，喪師六十萬，得地不過數城砦，國家元氣大耗。又以「欲取姑與」之說，輕棄東西七百里之地〔一〕於遼，安石益爲時詬病。哲宗立，神宗母太皇太后高氏臨朝，乃悉罷新政，貶新黨，引用司馬光等舊臣，一時稱治。無何舊黨中忽自裂爲洛蜀朔〔二〕三黨，遂爲新黨所乘。自是新舊黨迭相起仆，終北宋之世，黨爭日亟，國勢日衰。

舊黨分裂

注 〔一〕遼人遣使來議蔚應朔一帶疆事，指分水嶺爲界。凡山皆有分水嶺，意欲罔

取。宋遣沈括往，括詣樞府閱故牘，得悉故疆地，係以古長城爲界，今乃爭黃崖山，相

女真建國
號曰金

遼三十餘里，與遼爭持不決。神宗以問安石，安石曰：『所欲取之，必姑與之。』於是如遼議，割地與之，凡失地東西七百里。〔一〕洛黨、以洛陽人程頤爲首，蜀黨、以眉山蘇軾爲首，湖黨、以東光（今屬直隸津海道）人劉摯爲首。程頤嚴正，喜用古禮，蘇軾譏其不近人情；兩家弟子遂互相詆斥。劉摯則以中立派起而評論其得失。

附錄 安石當國，北雖割地於遼，然其開闢南方川湘蠻獠之地，其功固不可沒。神宗熙寧五年，章惇招降梅山峒蠻，置安化縣。六年，復擊平南江蠻，置沅州。熙寧七年，熊本討平瀘州夷，八年，復擊降渝州獠，置南平軍。章之於湘，熊之於川，皆不可沒其開闢之功；二人又皆先承意志於安石者也。

第三章 宋與金

一一七 宋之結金圖遼 金之先，在周爲肅慎，至唐爲靺鞨，有

黑水、粟末兩部。五代時皆爲契丹所滅。黑水靺鞨居混同江（今松花江）左右者，有生女真、熟女真兩部。生女真酋阿骨打卽位，遂叛遼稱帝，國號金。遼東京及熟女真皆見併。宋與約夾攻遼，以長城爲用兵界線。及金已取長城外地，宋始使宦官童貫往攻燕京，復兩敗於遼，貫乃密

西遼國

使金取之。金兵至，燕京下，遼亡。——遼將耶律大石走中央亞細亞，
建西遼國。

一一八 宋金啓釁 遼之亡也，宋與金議分地。宋僅得燕京及附

近之六州，然且出代稅錢百萬緡於金，乃得之。無何宋納金叛將張穀，
金遂藉詞遣韓離不粘沒罕將兵侵宋；又得宋降將郭藥師爲之導，遂深入，
圍汴京。宋乃許以金銀犒師，割地，納質，稱姪，以和。宋旋背盟，
又不爲備。時徽宗已禪位，欽宗復信市人郭京六甲擒人之言^{〔一〕}，汴京
遂爲金人所破。金人立宋相張邦昌爲楚王，執徽、欽二帝及后妃皇族三千
人而歸，幽之五國城（吉林依蘭縣）。北宋凡一百六十七年而亡。

北宋亡

注 〔一〕六甲者，謂按其日之干支，以察其生剋之理，所謂六甲法也。京謂能施六

甲法，生擒金將，但須用其生日干支合其六甲法者七百七十七人。金人攻城急，京不敢
出；促之再三，乃出其徒，盡死。京乃請自下作法而逃。

一一九 宋之南渡 宋人不附邦昌，立欽宗弟康王構於南京（河

南商邱縣)。康王惑於汪伯彥黃潛善，既不許宗澤還京之請^{〔一〕}，又不
用李綱主戰之謀，壹意避敵。太學生陳東、布衣歐陽澈、伏闕上書，請
罷汪黃，用李綱，不聽，殺之。金兵南下，遂退守揚州，繼退臨安（浙
江杭縣）。金兀朮復大舉渡江，進犯臨安，康王復航海退溫州。幸韓世
忠岳飛扼金人於江，金人乃北還，以所得中原之地予宋降臣劉豫，立爲
齊王。然猶復時時聯豫南犯。宋以韓世忠駐淮，岳飛駐鄂，禦之。康王
還都臨安，是爲南宋高宗。

注 〔一〕宗澤有文武才。高宗南渡，澤留守汴京，招撫河北羣盜，力禦金人。金人
分道入，所至淪陷，獨澤守汴京如故，金人呼爲「宗爺爺」。澤疏請高宗還汴，章凡二
十餘上，俱爲汪黃所遏。澤憤，大呼渡河者三而卒。

附錄 陳東、鎮江人，以貢入太學。欽宗卽位時，東率太學生伏闕請罷京童貫等。
金菌汴京，李綱種師道主戰，李邦彥白時中等主和，東復率諸生，伏闕請用李綱種師道，
罷李邦彥諸主和者。軍民不期而集者數萬人。傳旨慰諭，衆莫肯去，昇登聞鼓搥壞之，喧

呼震地。有宦官出，衆鬱而磔之。欽宗見士氣之盛，復以綱爲京城防禦使，遣之撫諭，乃引去。高宗卽位，復罷李綱。東又上書請留綱，而罷汪黃等，并請親征以作士氣；會布衣崇仁人歐陽澈亦上書言事，潛善乃以語激怒高宗，謂不亟誅，將復鼓衆伏闕；高宗乃并誅東澈。

一一〇 宋金之和戰

時宋得韓岳等爲將，勢頗盛。金兀朮分道南下，宋劉錡韓世忠吳玠先後敗之，河南關中州郡多復。岳飛一軍尤銳利，自鄂州直趨中原，兩河豪傑響應。朱仙鎮一戰，兀朮遂喪膽。相臣秦檜持和議，於是一日之間以十二金牌召飛還。旋下飛於獄，殺之。和議成，宋割地，納幣，奉表稱臣於金。金歸徽宗梓宮及帝母韋太后於宋，時高宗紹興十二年也。於是金宋南北對峙之局定。

附錄

岳飛、相州人。初以犯法將刑，宗澤一見奇之，命其立功贖罪。飛遂大敗金人而還，擢爲統制。其後每戰必捷，由是知名。及澤死，高宗令飛剿江淮羣盜，以次平定之，因請恢復中原。高宗聽之。飛令王貴等經略河南州郡，又命梁興渡河，糾合忠義社，規取河北州縣，自以其軍直驅中原。收復河南，破金兵「拐子馬」，兀朮夜遁，中原大震。

飛更進兵朱仙鎮，得兩河豪傑李誦等之策歸，由是金人舉動、山川、險要、皆得其質。燕以南，金人號令不行。飛大喜，語其下曰，「直抵黃龍府（遼東開元城外），與諸君痛飲。」方指日渡河，乃被召回而死，時年僅三十九。金人素畏飛，聞其死，酌酒相賀。飛行軍，善以少擊衆，謀定後動，故有勝無敗。時人爲之語曰：「撼山易，撼岳家軍難。」其軍容之整如此。

第四章 宋之理學

一 理學勃興之原因 第一期——上古——爲中國學術單獨發達時代。第二期——中古——爲中國學術停頓，印度學術東來時代。至第三期——近古——爲中國印度思想合流時代。而融合中印思想者，實爲宋之理學。故理學實爲宋代學術之特色。原宋代理學之興，約有下述諸因：

1 書籍之廣佈 自唐時始有私家藏書^{〔一〕}。五代時雕板之術興，官書、家刻、同時並作，書肆驟盛。宋仁宗慶曆中，有布衣畢昇

得書易

者，更發明活字版〔三〕，得書益易。士大夫以藏書名者，所在而有。得書既易，學術思想之發展，自勃興而不可遏。

2 思想之解放

宋人思想，不肯屑屑爲古經籍所拘束，頗厭漢魏以來之以講經爲學；於是或稽典籍以求是，如歐陽修葉適之疑易〔三〕；或憑直覺以疑古，如王安石之非春秋，王柏之疑詩〔四〕。其勇於疑古疑經，思想解放之風成，故能脫離經學而創造理學。

3 時代之反動

自魏晉以來，人文教育闕焉不講。社會間知有榮利，更不相責以行誼。故以唐韓愈之賢，上書乞憐，賣文諛墓，恬不爲怪。至如五代之馮道，自命爲「長樂老」，己不知恥，人復從而榮之。至宋統一中國，獎韓通之忠節〔五〕，崇種放之高隱〔六〕，竭力提倡氣節，風氣一變。宋儒起，乃力崇實踐，專事修養，而成宋之理學。

崇實踐事
修養

4

佛教道教之發展

佛教至唐，自玄奘義淨由印度齋經而歸

，已大放異彩；而南中之禪宗，唐宋尤爲極盛。其直指心性，尤能導人從事於心性之源。道教自漢末魏伯陽合易老陰符〔七〕之旨，作參同契。道家嘗宗之，合老、易、讖緯、陰陽、爲一家。至五代，陳搏乃衍成太極圖。是二者皆爲宋代理學所根據。理學家程顥張載以至朱熹，幾無不以「出入釋老，反求六經」稱。

注 〔一〕唐吳兢撰西齋書目，杜信撰東齋籍，私家藏書漸聞。〔二〕法用膠泥，薄

如錢唇，每字爲一印，火燒令堅。先設一鐵板，其上以松脂蠟和紙灰之類冒之。欲印則以一鐵籠置鐵板上，密布字印。滿鐵籠爲一板，持就火煬之。藥稍鎔，以平板按其面，則字平如砥。常作二鐵板，一板印刷，一板布字。此印者纔畢，則第二板已具。更互用之，瞬息可就。每一字皆有數印。（見宋沈括夢溪筆談）〔三〕歐陽修易童子問：「繫

詞非聖人作乎？」曰：「何獨繫詞焉？文王說卦而下，皆非聖人之作；而衆說淆亂，亦非一人之言也。」葉水心曰：「文言上下、繫詞、說卦、諸篇所著之人，或在孔子前，或在孔子後，或與孔子同時，習易者彙爲一書。後世不深考，以爲皆孔子作。」〔四〕王安石識春秋爲斷爛朝報。王柏著詩疑，以爲孔子刪詩，鄭、衛、不應復留；主刪

去朱子所指爲淫奔之詩。〔五〕高祖受擁代周，侍衛親軍副指揮韓通謀帥衆禦之，不克而死。高祖乃贈通爲中書令，以旌其忠，詔以禮葬之。〔六〕放隱居終南山，從學者甚衆。轉運使宋惟幹言其才行，詔使召之，稱疾不起，轉居窮僻。太宗嘉其節，命有司時加存問。〔七〕魏伯陽參同契，朱長春真人爲之序，以爲出於易老陰符經。陰符經、相傳爲周太公望所著。

備覽 理學家之學說，大體依據儒家立言，而其論修養之功及性命之說，亦雜收印度東來之佛教，及魏晉以後會改革之道教。自宋太祖力崇佛教，派僧行勳等百餘人留學印度；太宗時，又立譯經傳法院以繙譯佛教經籍；佛教於是大盛。其中尤有勢力者，則爲禪宗。一時學者亦無不喜交僧侶，如歐陽修之於契嵩，周敦頤之於壽涯，朱熹之於妙喜禪師。程門諸弟子、多雜於禪；謝良佐蓋尤甚。卽宋理學家之語錄，其文體亦仿自佛家之語錄也。道教則自隋焚緯書後，陰陽五行之說常存於方外之道士。五代時陳搏究性命之學，得太極圖以授种放，故以授穆修，修以授周敦頤及李之才；之才復以授邵雍，敦頤復以授程頤程頤弟兄。理學亦稱道學，清毛奇齡以爲道學之名，出於道家之琅書經。明乎此等淵源，知宋儒實合儒釋道之哲學——亦可謂合中印兩大流之哲學，而成其所謂理學也。

一二二 理學家之思想與派別

宋儒論修養之道，自程頤以下，

朱陸治學
方法之大
較

呂祖謙開
事功派之
先聲

大抵主「格物」「致知」。至南宋朱熹乃集此派學說之大成。與朱熹同時有陸九淵，其持論與朱不同：大抵朱主「道問學」，陸主「尊德性」；朱主即萬物而窮其理，格得一物，便得一理，積久而貫通之；陸主萬物皆在吾心，「我雖不識一字，亦可還我堂堂地做個人。」總之朱之治學方法，為歸納的；陸之治學方法，為演繹的：此其大較也。

注「〔一〕中庸：『故君子尊德性，而道問學。』尊德性者，謂以德性為主。道問學者，謂由問學入手也。

備覽 向來分宋之理學為濂、洛、關、閩、四派。所謂濂、洛、關、閩者，周敦頤、程顥與其弟頤、張載、朱熹也。周居濂溪；二程、洛陽人；張載、關中人；朱熹僑寓建州（即今福建建甌縣）；故云。

一三三 理學家思想之變遷 理學家之立說，重修養而不重事功，自周敦頤以至朱陸，莫不然也。與朱熹同時而相友善者，有呂祖謙，講理學而兼博治史學，教人必以致用為事〔二〕，已開浙東事功派之先聲。

南宋思想
趨重事功

。其友受學程門之陳亮葉適則頗詆斥理學而昌言事功^(一)；宋末之金履祥、固傳朱子之學者也，而有從海道圖燕薊之建議^(二)。故南宋學者之思想、已一變北宋理學之面目，而趨於事功。此則由於南宋偏安之局，及金元之逼，士大夫皆志切恢復，有以使之然也。

注

〔一〕呂氏周禮說：「古之公卿、皆自幼時便教之以爲異日之用。……」〔二〕陳

亮上書孝宗，其略曰：「今之儒士、自謂得「正心」「誠意」之學者，皆風痺不知痛癢之人也。舉一世安於君父之大難，而方且低頭拱手以談性命。不知何者謂之性命乎？」

葉適習學記言：「正誼不謀利，明道不計功，」初看極好，細看全疏闊。古人以利與人而不自居其功，故道義光明。既無功利，則道義乃無用之虛語耳。」〔三〕元史金履祥傳：「……曾襄樊之師日急……履祥因進案制擣虜之策：請以重兵由海道直趨燕薊，則襄樊之師將不攻自解。且備彼海船所經，凡州、郡、縣、邑、下至巨洋、別島、難易、遠近、歷歷可據以行。宋終莫能用。及後朱清張瑄獻海運之利，所由海道，履祥先所上書，咫尺無異。」

備覽 呂祖謙、婺州今華人，陳亮、婺州永康人，葉適、溫州永嘉人。此三地、宋皆

屬浙江東路，故後人亦名事功派諸人爲「浙東學派」。

第五章 蒙古之勃興

一三四 蒙古族之起源 蒙古在唐爲室韋之一部，亦號蒙骨斯。

其根據地在幹難河源之不爾罕山。金之初起，嘗借兵焉；既而不償原約，由是蒙古有怨言。金屢討之，不克，因割西平河（克魯倫河）北之地以和，冊其酋爲蒙輔國王。其酋不受，自號大蒙古國。至鐵木真起，蒙古族乃雄飛於世界。當是時大漠南北，東起黑水，西抵西域，諸部錯列。中以泰赤烏、克烈、乃蠻、三部爲最強。鐵木真卽位，先滅泰赤烏、克烈，尋更大破乃蠻及幹亦刺蔑里吉三部之聯軍，乃蠻亡，於是蒙古勢始盛。鐵木真乃自號爲成吉思汗。其餘諸部旋亦次第見併焉。

一二五 成吉思汗之雄略 當乃蠻之亡也，乃蠻汗之子屈出律西

奔，奪西遼以爲根據地，圖恢復。成吉思汗命其將遮別滅之，而蒙古遂與中央亞細亞之花刺子模（二）接壤。花刺子模殺蒙古商人，成吉思汗遂

大蒙古國

蒙古始盛

西遼亡

西夏亡

親率大軍討而滅之。更遣遮別等西伐欽察，破阿羅思（即俄羅斯）；而自旋軍東向滅西夏。無何成吉思汗死，——是爲太祖，西征軍亦還。
。「庫里爾泰」大會。推太祖之第三子窩闊台爲大汗，是爲太宗。

注

〔一〕花剌子模、在阿姆河西，裏海之東，爲當時回教大國。〔二〕欽察部爲突

厥種之遊牧民族，在烏拉嶺西，裏海黑海北，占領歐洲東北部一大平原，與阿羅思東羅

馬等國接壤。〔三〕凡蒙古大汗之立，必由「庫里爾泰」大會公推。「庫里爾泰」者，

合宗室諸王、大將、羣藩、而議於斡難河源之大會也。

金亡

一二六 拔都之西征歐洲 太宗卽位，聯宋滅金，——金凡百二

十年而亡。更東向陷高麗。東顧無憂，乃遣朮赤子拔都西征，降沿途諸部，入俄羅斯，北向陷莫斯科。旋挾其餘威而西，進逼歐洲內地。一軍自匈牙利渡多腦河，一軍出波蘭，大破其與日耳曼之聯軍。蒙古軍所至殺掠，直達地中海北威尼斯國境。全歐震動，莫知所爲。會窩闊台計至，拔都乃東旋，留軍建欽察汗國，以統治歐亞征服地，都薩萊。

建欽察汗國

建伊兒汗國

燕爲中國都城之始

南宋亡蒙古統一中國

蒙古版圖

一二七 蒙古之入主中國 及至憲宗蒙哥爲大汗時，又命其弟旭

烈兀西征西部亞細亞，破巴爾幹半島諸國之聯軍，建伊兒汗國。蒙哥自與其弟忽必烈圖南宋。宋未下而死，忽必烈繼爲大汗，是爲世祖，改國號曰元，定都於燕，稱曰大都，——都燕以統治中國自此始。世祖旣定位，因命伯顏偕宋降臣劉整分道南下，長驅陷臨安，執恭帝北去。宋張世傑陸秀夫等立端宗，端宗卒，弟昺繼之，轉輾於閩廣海岸，卒不敵元兵。南宋共一百五十三年而亡，蒙古遂統一中國。時民國前六三三年。

一二八 蒙古勃興之原因 蒙古自成吉思汗至忽必烈，——七十年間——東自中國、高麗，西至小亞細亞半島之一部，以至歐洲之俄羅斯，咸隸版圖；兵威所至，且及南歐。其所以成就此空前偉績者，約有下述之二因：

1 蒙古生長沙漠本爲遊牧民族，善騎射，耐勞苦。其行軍，飢餐羊馬之酪，渴飲羊馬之血，不織而衣，不耕而食，全國皆可兵，兵

行無輜重，故能所向無前。且其所至之地，豐腴又遠勝於沙漠生活，益足以動其掠奪之欲。

2 彼之所遇：東亞則正疲於遼金夏宋爭持之餘，中亞東歐西歐又正在四分五裂之際，無一足爲其勁敵。

此其所以崛然以起，遂能席捲兩大洲也。然極盛之際，已肇破裂之端，不及百年，遂復瓦解，則又由無固有之文化足以維繫之也。


第六章 蒙古帝國之瓦解及明與蒙古之對峙

一二九 蒙古之瓦解 蒙古以遊牧民族崛起，不百年而建此空前之大帝國；乃不百年而仍歸瓦解。其所以興之驟而亡之速，約有下述之諸因：


1 蒙古人長於戰爭，短於組織力。故其所至之處，往往摧殘其文化，而尠有建設。

2 蒙古人無固有之文字，凡所征服之國，卽用其國之文字。故

圖勢大時峙對金宋



圖係關遼宋



蒙古文字
不統一

蒙人信仰
無中心
武勇之風
氣消失

蒙古分裂
爲四大汗
國


得畏吾兒，即用畏吾兒之文字；得中國，即用中國之文字。其後世祖時雖得西藏喇嘛入思巴，爲之制蒙古字；然仍並用中國畏吾兒之文字。即新制之蒙古文及中國畏吾兒之文字，亦限於東亞、中亞，而不能行之於西亞、東歐。文字之不統一如此，自無團結之精神。

3 蒙古無一定之信仰，隨所征服地之信仰以爲信仰。故拔都之子伯勒克，則信回教；旭烈兀則以其妻之故，崇基督教；元世祖因遵喇嘛入思巴而崇喇嘛教；以羈縻中國而崇儒教、道教。其信仰之無中心如此，亦致足礙其精神上之聯絡。

4 戰勝文化國之後，習於逸樂，而向者善騎射耐勞苦之遺風，因以消失殆盡。故被屈服之民族一生反動，遂不復能維繫。

自元世祖爲大汗，蒙古即分裂爲窩闊台、察罕台、欽察、伊兒、四汗國，不復受元之統治。元及諸汗國既分立，百年間先後衰亡，獨欽察閱二百年至明中葉，始爲俄人所覆。

〔附〕元及四汗國世系表



備覽 欽察汗國後裂為金黨(白帳)、白黨(白帳)、青黨(青帳)、克里米、諸汗，故俄羅斯得以乘之。民國前四三二年，為俄莫斯科大公伊凡三世所滅。窩闊台汗國為元所滅，而地併於察罕台汗國。察罕台汗國與伊兒汗國又皆為帖木兒所滅。帖木兒者，亦蒙古族，據舊察罕台汗地，於元亡後一年，即民國前五四三年，建立帖木兒帝國。其拓地西至地中海，東至葱嶺迤恆河，南盡波斯灣，北及俄羅斯之一部。惟時明太祖統一東亞，帖木兒統一中亞，亞洲遂成兩大帝國對峙之局。帖木兒後又踰葱嶺而圖中國，半途而殞，時正明成

四階級

嗣在位。嚮使天假之年，兩雄相遇，又正未知鹿死誰手也。

一三〇 元之見逐於明

元之平定江南也，人民之反抗者四百餘

起，因而嚴防漢人，尤防南人；分國民爲蒙古色目 二 漢人南人 三 之

四階級，且禁漢人挾兵器，以遏抑

之。其分人民爲一官、二吏、三僧

、四道、五醫、六工、七匠、八娼

、九儒、十丐、之十級，尤大違中

國人之習俗。加以喇嘛之橫暴，官

吏之貪墨，將帥掠降民爲家奴 二

，政府務苛歛以困民，在在足以激


成人民之變。至順帝時，劉福通遂

起兵潁州，騷擾北方；張士誠據吳

，陳友諒據江州，朱元璋據集慶，

元政之激變

元末羣雄割據圖



蒙古與明
對峙

(金陵) 以騷擾南方。是時順帝恣爲淫亂，無人道；將帥羣臣互相攻，甚至太子亦謀爲亂。朱元璋因得從容剪滅江淮羣雄，更命徐達常遇春北上，逐元於塞外，統一中國本部，定都金陵，是爲明太祖，時民國前五四四年也。元凡八十九年而亡。於是順帝北走和林，仍占有蒙古，與明成對峙之局。

注 〔一〕元用人不論中外，凡畏吾兒人、西域人、歐洲人、皆得與蒙古人並用，卽所謂色目人也。蒙古色目可爲各官之長，漢人南人不與焉。〔二〕漢人、遼金等之遺民也，南人、宋之遺民也。〔三〕阿里海牙用兵荆南、江西、廣西、海南，掠降民爲家奴，以千萬計。

備覽 元世喇嘛之爲患特甚。初，世祖忽必烈平吐蕃，以其人犷悍難治，尊喇嘛僧入思巴爲帝師以馴之，於是帝師之權，並皇帝而陵百官。後襲其制，於是喇嘛所至發掘墳墓，私庇罪囚，攘奪民田，役平民爲佃戶，假館民舍，迫逐其男子而姦污其婦女。武宗則且下令：凡毀西僧者，斷其手；嘗者，截其舌。

附錄 朱元璋、濠州人，年十七，父母相繼死；孤貧無依，入皇覺寺爲僧。元末大亂

，郭子興起兵於濠州，元璋從之。子興死，遂代領其衆，一時豪傑皆歸焉；攻城略地則有徐達、常遇春、湯和、等，參與帷幄則有李善長、劉基、宋濂、等；故能所向克敵。其爲政嚴以馭吏，寬以待民；官吏貪墨，經士民控告，賊至六十兩卽梟首示衆；其爲民所愛戴之官吏，則雖犯罪，一有士民請釋，卽復其官，或且擢擢。如永州守余彥誠等，坐事下獄，耆民列政績以聞，皆復其官，并賜耆民道里費。又如衡山簿紀誰正，坐事當逮，民詣闕言多善政，卽赦其罪，并擢爲參議。蓋帝起自民間，有鑒於元世官吏之多貪墨，民生因以受困也。

一三一 明與蒙古之爭衡 元自順帝北徙後，數傳而爲其下鬼力

赤所奪。鬼力赤去帝號，稱可汗；去國號，稱韃靼；是爲韃靼之起源，蒙古遂復其游牧生活。韃靼稱英雄漠北，明成祖起靖難兵，嘗資其力，因與通好。旣而韃靼知院阿魯台殺鬼力赤，迎立元裔本雅失里。明成祖嗣位初，卽知蒙古之不可忽，遷都燕京，由是以燕京爲北京，而以金陵爲南京，以備之；至是招撫阿魯台，不聽，乃親征之。阿魯台不敵，請降，韃靼勢一挫。然是時西部有瓦剌者，卽元初之斡亦剌部

北京之始


鞑靼

瓦剌西徙
韃靼復張

漸強。其酋脫懽遂襲殺阿魯台，擁立元裔脫脫不花爲可汗，而自爲丞相，盡有韃靼餘衆，雄視漠北。其子也先尤梟傑，可汗徒擁虛名。明英宗正統十四年，也先大舉侵明，英宗禦之，被擄於土木；是爲土木之役。尋送還英宗而言和。也先由是益橫，殺脫脫不花，自稱大元田盛可汗。旋爲知院阿拉所殺，韃靼人復攻殺阿拉，於是瓦剌西徙而分裂。脫脫不花子麻兒可兒復爲韃靼可汗，號「小王子」，韃靼勢復張。

注「一」明太祖徵宋元之孤立，封二十

明與蒙古對峙圖



五子爲王，以鎮守各地。後以元屢窺北方，功臣又多誅者誅，退者退，遂令諸子統兵，

節制將帥，漸有尾大不掉之勢。太祖死，孫惠帝立，用齊泰黃子澄言，削藩王兵地。燕

王藉口起兵清君側，靖內難；是爲靖難之役。惠帝出走，燕王卽位，是爲成祖。〔一〕

永樂七年，成祖命將征阿魯台，不克。次年，成祖親征，渡臚朐河（克魯倫河）。本雅

失里懼而西奔，阿魯台亦東奔。成祖追及本雅失里於斡難河，復大敗之。本雅失里盡棄

所有而逃。遂移師征阿魯台。阿魯台詐降，成祖知之，自將精騎衝擊。阿魯台墜馬，遂

大奔。成祖追之，殲其後隊，乃班師。阿魯台窮蹙來降。〔二〕正統十四年，也先大舉

侵明，英宗用太監王振言，自將親征。帝行至土木堡，中伏被擄，振及將士皆死。京師

大震，朝臣多主南遷以避之。獨兵部侍郎于謙不可，以爲不宜蹈宋南渡覆轍，乃共立

郕王監國，是爲景帝，遣尊英宗爲太上皇。也先不得逞，遂還英宗以和。

一三三 內外蒙古之起源 麻兒可兒後，韃靼多內訌。及達延可

達延統一
漠南北

汗繼立爲「小王子」，有雄略，平定諸部，復統一漠南北。明世宗時，



達延南下，留其季子格埒森札札賚爾居漠北，號所部爲喀爾喀，分三汗


外蒙古之
始

：曰土謝圖、車臣、札薩克；是爲外蒙古之始。自與嫡孫卜赤居漠南東

內蒙古諸部之始

部，爲內蒙古察哈爾之始。封其三子巴爾色於漠南西部。巴爾色死，長子衮弼哩克嗣，居河套，後爲內蒙古鄂爾多斯。次子俺答居歸化城以西，後爲內蒙古土默特。俺答與衮弼哩克嘗相率入侵明；而俺答爲患尤甚。穆宗時，俺答年老佞佛，明以喇嘛教羈縻之，始就撫，西陲無警。然東部卜赤之孫土蠻勢又盛，嘗爲遼東薊門之患。明任李成梁鎮遼東，戚繼光鎮薊門，土蠻勢乃戢。總之，終明之世，蒙古常與明對峙爭衡。至滿洲興，始復統一中國與蒙古。





廣東文化
漸啟

宋代國外
交通海盛
於陸
元代東西
交通海陸
並盛

第七章 宋元明時代東西洋之交通及歐人東漸

一三三 宋代之東西交通 自唐末黃巢大殺廣州流寓之外國人以

後，東航者咸視爲畏途。宋統一中國，下嶺南，卽首復市舶使，海外貿易始復。廣東遂爲中國海道交通之門戶，文化亦因以漸啟。王安石當國，修市舶法，海外貿易益盛。宋南渡後，政治中心移於南方，與海外之通商益盛，其通商口岸凡五：卽臨安（杭州）秀州（嘉興）明州（寧波）温州江陰；而所與通商者，則皆所謂波斯大食之胡賈也。故宋之國外交通，陸道無可言，海道則大盛。

一三四 元代之東西交通 元代東西之交通，則海陸並盛。自拔

都西征後，東西交通之道已開。太宗窩闊台提議定驛站，察罕台汗贊成之，於所轄境內置驛，東接太宗所置，西接拔都所置，於是自東亞以至東歐，彼此商販互通，行旅無阻。海道則仍宋舊，而泉州福州蓋爲當時世界之大商埠云。是時歐洲諸國方興十字軍以抗回教國，蒙古亦圖吞併

回教國，於是蒙古遂與歐洲耶教國互相引重，信使往來，交通益盛〔一〕。意大利人馬可波羅 Marco Polo 亦由陸路入中國，仕於元，歷官至江南副使。及歸而著書示歐人，極稱中國之富盛，實啟後此歐人開闢新航路之動機。

注〔一〕教皇英諾森四世 Innocent IV 嘗遣柏朗嘉賓 Plan Carpini 東謁元定宗。法王路易九世 Louis IX 亦派教士路卜洛克 Rubruck 朝於憲宗。

備覽 元代至重交通，東西交通已見上述，其於中國本埠之南北交通，亦屢有所設施。世祖至元十九年，用朱清張瑄言，始置海運；自平江路劉家港（在今太倉）開洋，轉放大洋，至直沽，不過旬日。又於二十六年，用韓仲暉言，因舊運河開會通河，成今運河路線，自是江南漕或自海，或自運河，皆可直達燕京。明清皆利賴之。

一三五 明代之東西交通 明與蒙古對峙，中亞又值帖木兒帝國

之勃興，於是陸路上東西交通遂衰，而海道乃大通。蓋於時中國有一航海偉人挺生，卽三保太監鄭和是也。和以明成祖永樂三年偕士卒二萬七千餘，乘大船六十二艘，爲第一次之航行。其後陸續再往凡七次，所經

明代東西
交通陸衰
而海盛

鄭和航海

凡四十餘國〔一〕，爲海上生活者垂三十年。自宣宗以後，明之國勢雖衰，南洋諸國之朝貢雖不至，然交通之道既開，互市復仍宋元之舊；故商旅往來，仍絡繹不絕。後有被命使海外者，猶時盛稱和以誇示之云。後和之航海六七十年，歐人新闢航路而東來，世界遂大通，東西人士之接觸乃益日卽而日近矣。

注

〔一〕據明費信星槎勝覽之記載，爲四十國。據梁啟超和傳所考得：馬來半島

以東凡十五國，臨馬刺甲海峽者四國，蘇門答臘七國，印度六國，阿拉伯五國，非洲三國，而和所曾至之婆羅洲斐律賓尙不與焉。和之航程，自蘇州劉家港，沿海下南洋，經印度洋，越亞丁灣，循紅海，至非洲之竹步（Zig）更繞馬達加斯加島南端而還。


備覽

當時鄭和所乘之船舶，據明史本傳所載：長四十四丈，廣十八丈，蓋可比肩今世界之大商船矣。當時吾國民力之偉大，於此可見。

一三六 明代之海外殖民

宋元以來海外貿易漸盛，番舶頻來；

吾國人之因經商而殖民於海外者亦日衆。其尤盛者，則爲南洋諸島。其往也固爲經商，然亦有代爲開闢其章萊，而繁殖吾民族於其地者，如閩



人林旺之於斐列賓，——今斐律賓大部分之人民，猶皆為吾國人與馬來

由人之合種。有流寓其地而極有勢力者，如元史弼所遺病卒〔一〕之繁殖於麻葉甕，粵人梁道明張璉之雄長於三佛齊〔二〕是也。

注〔一〕元史弼伐爪哇，遭風船破，至麻葉甕，（婆羅洲西北之小島）伐木造船。

其病卒百餘留養於此，後遂蕃衍。〔二〕三佛齊在蘇門答臘島之南端，與爪哇島西端相

接。洪武中，爪哇滅三佛齊。時閩粵人僑居於三佛齊者已千數。有粵人梁道明號召部勒之，遂抗爪哇而有其地。不十年，閩粵人泛海從之者數萬人。永樂三年，成祖遣人招之，梁乃與其臣鄭伯可入朝。張璉，廣東饒平人，本劇盜，猖獗於閩粵贛三省。明合三省兵討平之。萬曆五年，有商人詣舊港，見璉爲舂船長云。

備覽 呂宋美洛居（馬刺甲）丁機宜（在爪哇北）合貓里（撒馬爾）舊港（即三佛齊）婆羅蘇祿（在婆羅東）柔佛以及印度支那等處皆爲華商所集之地。尤以合貓里之市法爲最平，華商多樂趨之，且爲之語曰：『若要富，須往貓里務。』

一三七 歐人之東漸 自馬可波羅歸自中國，著書盛稱東方之富

麗，歐人已心嚮焉。新航路發明，葡萄牙人東來，略據馬刺甲等處。會鄭和下西洋之後，中國人多經商於南洋，與葡人漸相習，因之葡人益東

葡人納租
金借澳門

進，有勒斐爾比斯特羅 Rafael Perestrelo者，遂附航船入中國，求締約通商，未遂。至明世宗嘉靖四十二年，即民國前三四九年，葡人賂都指揮黃慶，遂得借澳門為商埠，歲納地租二萬金。其後地方官復納葡人賄，於澳門半島之狹處築城，畫城以外與葡人。葡人乃於此小半島上，設官置吏，儼據為領土矣。嗣是而西班牙荷蘭英吉利之商人亦相繼至。

利瑪竇來
中國

一三八 歐洲學術之輸入 前此歐人之入中國者，率為商人，於文化上之交通無與也。自明神宗萬曆九年，即民國前三三一年，意大利教士利瑪竇 Matteo Ricci因傳天主教入中國，并齋其天文、地理、算學、火器、以至；又以其教義附會儒家之說，頗為士大夫所重。越二十年，僭龐迪我 Diego de Pantoja入北京，適中國大統曆回回曆()多不合，遂令龐迪我參預測驗。明思宗崇禎中，更以徐光啟言用德意志人湯若望 Johannes adam Schall von Bell任欽天監事，兼命其鑄造火器。利瑪竇又獻萬國全圖，吾國人始知世界大勢焉。

注 [一]大統曆爲明初劉基等所定。回曆係由西域傳入。

備覽 基督教之入中國，最早者爲唐時之景教，然爲基督教之別派。元時意大利教士奧代理谷 Orario 由海道至廣州上陸，布迦特力教入中國。迦特力 Carolina 教爲羅馬所奉國教，卽吾國之所謂天主教也，然元時其傳不廣。自明末利瑪竇等力布天主教，其傳始漸盛。

一三九 殖民事業之挫折 西班牙人求與中國通商，爲葡人所阻

，乃去而占據斐律賓。後西人仍思通中國，頗利中國人往斐島，馬尼刺遂爲兩國互市之場，而西班牙銀圓所謂「本洋」者，亦於是時入中國，是爲中國有銀圓之始。至清入主中國，有鑒於鄭成功之藉海外爲根據而抗命，乃竭力遏抑國人之出海貿易。其已在海外之人，皆不得歸故土；甚至爲荷蘭人所虐殺而以爲咎由自取。然吾國民本其堅忍之意志，雖外逼於歐人，內逼於清政府，至今南洋羣島及印度支那之我國僑民，仍不下五六百萬，且常占有其實業上之勢力焉。

中國始有
銀圓

南洋之華
僑

備覽

西班牙既據斐律賓，有福建泉州人李馬奔，得馬尼刺船以爲嚮導，率武裝帆船六十二艘，水陸兵各二千，婦女千五百，以日本人庄公爲將，進征之。萬曆二年，與西人戰於馬尼刺，庄公死焉，李馬奔無功而還。其殘兵之留居者，卽今斐島之伊哥羅德支那人 Torots-Chinese。踰二十年而又有潘和五之事。西人攻美洛居，役中國兵二百五十人以助戰，以潘和五率之。會西人虐待華兵，和五遂率衆刺殺西將，刃西兵，收其甲仗而歸，誤走安南，遂暫居焉。自此西人疑中國排斥其殖民事業；會神宗復遣人往呂宋采掘金銀，更疑明將襲取其地，乃從事殺戮中國人，先後死者凡二萬五千餘人，此亦吾國殖民事業之大厄也。

第八章 元明之理學與宗教

一四〇 元及明初之理學

元之併宋也，虜宋儒趙復北歸。趙復

本從眞德秀傳朱熹之學，至是齋理學之傳以北上，姚樞許衡師之，理學遂盛於元；然皆不過推衍朱熹之說。吳澄雖頗以融合朱陸自任，卒亦無甚發明。浙東主事功之一派，則以當時人士受政治之壓力，其傳亦絕。至明初，政府編訂四書大全五經大全等書，復一以程朱之說爲準。故明

明代理學
之變遷

代前半期之學術思想，大抵仍受程朱學說之支配。陳獻章始稍變面目，頗近於陸。及王守仁出，而明代理學之趨勢乃劃然爲一新時期。

一四一 王守仁與理學之改革

程朱學說之末流，過於篤信謹守

王守仁致
良知說

，其弊也爲拘迂，故君主頗利用之以範圍一世之人心。姚江王守仁出，泛濫於佛老，探本於孟子，乃擴充陸九淵之論學，以發展個性爲主，創「致良知」之說；以爲物理盡具於吾心，一反朱學拘迂之病。其說以爲所謂良知，所謂物理，是二是一；故主知行合一：知只是行的主意，行只是知的工夫；知之真切篤實處即是行，行之明覺精察處即是知。其重個性之體驗，實足以破舊理學束縛個性之弊。一時學者翕然宗之，門徒徧天下，厥後且衍其傳於日本。

王學傳入
日本

一四二 王學之流變

王學重個性，解放朱學之束縛，一時思想界大形活潑。及其末流，如何心隱李贄之徒，遂蔑棄中國社會中心之禮教。雖其不屑屑於古人陳言之是遵，可云王氏改革事業之成功。然其爲

王學之影
響

世詬病〔二〕亦彌甚。

注 〔一〕何心隱習王守仁弟子王艮之學；李贄則又私淑何心隱者也。李贄何心隱論曰：「人倫有五，公舍其四，而獨置身師友之間。」袁宏道李贄傳曰：「公氣既激昂，行復詭異，斥異端者益側目。」何心隱爲張居正所殺；李贄則當時見目爲妖人。

一四三 元明之宗教 元之宗教、最爲複雜；有也里可溫（天主教、答失蠻（回）教、喇嘛教、佛教、道教等，而以喇嘛教佛教道教爲尤盛。明復中國，除喇嘛教盛行於西藏蒙古外，中國則佛教道教皆仍元之舊。茲分別述之：

1 佛教 佛教盛行於宋。至元崇奉喇嘛教，雖似極盛一時，然吾國所素有之佛教諸宗，則日見衰落。至明，則惟禪與淨土二宗尙較盛云。

2 道教 道教自得宋眞宗徽宗提倡後，其勢日盛。元定江南，世祖封龍虎山張宗演爲真人，命領江南道教。其後累代襲爵賜號如

故事。明因之，授二品秩，其襲封至清而未替。

3 喇嘛教

喇嘛教本印度佛教中密教之一派。唐時吐蕃迎之

至其國，是爲喇嘛教入藏之始。喇嘛者，藏語無上之義也。元世祖尊喇嘛八思巴爲國師，予以統治西藏政教大權，在中國之喇嘛亦因而恃勢陵民。明興，中國對西藏仍以喇嘛教羈縻之。八思巴之後，世居後藏，稱薩迦胡土克圖，——薩迦卽釋迦之音轉，胡土克圖譯言再世——卽所謂活佛也。活佛爲生子傳衣鉢計，不禁娶妻，服紅衣冠。以世受中國崇信，頗流於侈情；又專恃密咒，炫幻術，盡失本旨。明初有宗喀巴者，出而改革之：排幻術，禁娶妻，苦行自修，爲藏衆所信仰；遂別立一宗，服黃衣冠，曰黃教，而別舊教曰紅教。宗喀巴死，其大弟子二：曰達賴，曰班禪，並居前藏之拉薩。黃教既禁娶妻，乃別立一嗣續法；謂達賴班禪皆不死，惟爲呼畢爾罕（轉世）之繼承。適依呼畢爾罕而繼承之達賴一世，本爲藏王，黃教因以大盛。

呼畢爾罕

黃教大盛

三教之調和運動

一四四 儒釋道之合流 初，宋時金王壽立三教平等會，欲舉儒教之忠孝、佛教之戒律、與道教之丹鼎派、融冶於一爐，謂之全真教。其後頗盛於元明。自中古期南北朝時宗教有劇烈之競爭，乃有儒釋道三教之名。其實佛道兩教講出世法，確具宗教性質；儒則講入世法，非宗教也。唐以後，則三教常有捨競爭而為調和運動之趨勢——宋之理學，即此種趨勢之產兒。——全真教雖淺率，然應時而起，故遂流行。明季世有袁了凡者，取佛家果報地獄之說，附會以道教之太上老君，用以講儒家所重之入世法。其持論雖陋，頗取信於社會，流風直至於清世焉。

第九章 滿洲之崛起

一四五 女真之復興 蒙古之聯宋滅金也，女真族仍散居混同江南北。蒙古既得中國，則分設萬戶府鎮撫其地。明主中國，一意對蒙，於女真亦僅仿唐羈縻州制，分建衛所以撫之。建州衛有努爾哈赤者起，雄桀善戰，統一女真各部，改建國號曰滿洲；入攻明清河城而破之，明

滿洲之始

邊大震。幸熊廷弼孫承宗相繼經略遼東，袁崇煥固守山海關外之寧遠。
滿洲乃不得逞，遂去而略朝鮮及內蒙古。

服朝鮮

一四六

滿洲之脅降朝鮮內蒙古

努爾哈赤死，是爲太祖。子皇

太極嗣，率師攻朝鮮，渡鴨綠江，直逼國都。朝鮮乃乞和，滿洲與約爲兄弟之國而還。同時黑龍江南圖們江北濱海諸部落，亦先後歸附。滿洲兵威直抵庫頁島。先是滿洲驟強，內蒙古諸部震其兵威，相率降附。獨察哈爾林丹汗士馬強盛，附明而輕滿洲。皇太極既定朝鮮，思復攻明，以察哈爾伺其後，乃先攻察哈爾，大破之。林丹汗西奔，部衆離散；越二年，死於青海附近。由是內蒙古諸部悉服屬，皇太極乃改其國號曰清。是爲太宗。

服內蒙古

第十章

明末流寇之亂及清之入主中國

一四七

明之亂原

明守山海關，清兵雖屢勝而不能進。流寇陷

京師，明將吳三桂乞師於清以平亂，清遂入關，統治中國。故明之不支

，實由內潰。推其內潰之原因，可約之如下述：

1 君權太重 明太祖鑒於宋元權相之弊，罷中書省〔一〕，盡收政權於一身，而以其政析歸吏、戶、禮、兵、刑、工、六部。各部之上，雖設內閣大學士，然職僅掌批答，不過君主之幕府書記耳，權不屬也。顧君權過重，爲君主者卻又往往不能有用之能力，乃以便習之故，常寄耳目於宦官。有明一代，惟孝宗英明，世宗嚴愼，差能運用此絕對之大權。至熹宗時，宦官魏忠賢竊政柄，遂毒流全國矣。

2 外患頻仍 先是明於北方、既以全力與蒙古爭衡，中葉以

朝鮮戰役

後，苗、獠、猖獗於西南各省〔二〕，東南沿海一帶、復有倭寇之肆擾〔三〕。神宗時朝鮮戰役起，而國力爲之敝。朝鮮自李成桂受明册封，世世朝貢不絕。神宗時、日本豐臣秀吉大舉攻朝鮮，朝鮮不能禦，告急於明。明遣將援之，不克，與議和。不知日本固自有王，封秀吉爲日本國王。秀吉怒，復戰。未幾秀吉死，兵始罷。是役也、戰爭互七

年之久，喪師糜費無算，財政爲之大匱。

3 民生困擾

自朝鮮戰役息，度支既告匱。神宗本好聚斂，遂遣宦官四出開礦，又增設各省稅使，都邑、關津、宦官遍布。於是礦使、稅使、滿中國，雖極之窮鄉僻壤，無不搜括，中人之家、大半破產；萬民愁怨，激變屢起，所不顧焉。

4 朝臣黨見過深

自顧憲成講學東林，隱負天下重望，朝論譁然，目爲東林黨。非東林者乃附於魏忠賢，於是黨禍作。東林黨人李應昇、周順昌等之被逮，江南之民、大憤而暴動，不期而集者數千人，民心益去。且明制全國兵權，悉在中央，將帥不得專兵。滿洲進逼，邊臣熊廷弼、袁崇煥均先後受朝臣黨見之牽掣，尋且供黨見之犧牲，於是外患益亟。

注 「一」中書省者、元官制，中央總轄政務之機關；并直轄河東河北山西等地；中

書令爲首，左右丞相副之。「二」苗民，世皆以爲卽上古之苗，受漢族之壓迫而南徙者

。其實此說亦無確據，近人且有力辨其非者。元入中國，諸苗蠻部落之降附者，皆授其會爲宣慰司、宣撫司、等官以羈縻之。——土司之名由此起。其人蓋與交趾支那人同種，散居西南各省者，有傜、獠、黎、僂、裸、等名。英宗世宗時，爲患頗劇烈。〔三〕倭寇大抵爲日本之浪人，明初已爲患。世宗時，益猖獗。漢奸汪直徐海復與之結合。嘉靖三十二年，遂大舉入寇江浙，流劫數十縣。胡宗憲先後誘殺徐海汪直輩，倭乃南遁而擾閩廣，爲總兵俞大猷戚繼光所討平。然爲患已二十年；自廣東之欽廉，以至山東沿海各州縣，無不殘破。

一四八 流寇之亂

思宗崇禎元年，陝西大饑，撫臣又屬忠賢黨，貪暴不恤民困；於是延安張獻忠、米脂李自成，遂乘之而作亂。肆擾凡十餘年，殺戮至慘，河淮之間，往往千里無人烟。崇禎十六年，獻忠據四川；明年，自成自陝西席捲東下，直抵北京。宦官曹化淳開門納降，思宗自縊於煤山，時民國前二六八年，即清世祖元年也。

一四九 清師之入關

清既平朝鮮及內蒙古，乃專事圖中原。世祖福臨立，年幼。其叔父睿親王多爾袞攝政，聞明有內亂，謀略取關外

李自成入
北京

清師入北
京

明亡

地。會明守山海關將吳三桂，怒自成軍掠其愛妾，遂乞師於清。清乘機派兵入關，與三桂合兵，討自成而破之。清世祖入北京，遂定爲都城。先命將略定山東山西地，遣明降將吳三桂等追自成。自成走湖廣，爲鄉民所斃。獻忠尋亦爲清軍所斬。流寇平，然明祚亦已告終矣。——明自太祖至思宗共二百七十七年。

一五〇 江南之平定 先是北京爲自成所陷，史可法馬士英等立

福王於南京。可法督師揚州，清兵渡江，遂力竭而死。福王亦見執。於是張國維等更立魯王於紹興，黃道周等復立唐王於福州。清軍至，魯王入海依鄭成功於臺灣，唐王被執而之死。瞿式耜等立桂王於肇慶。清軍進攻肇慶，桂王不能支，展轉兩廣、雲、貴、閩者數年，終爲吳三桂所逼，遁入緬甸，緬人執之以獻。魯王雖入海依成功，然以僻遠迄無成。至是清已統一中國本部，奉明正朔者，只孤懸海外之臺灣鄭氏而已。其後明降將吳三桂尙之信耿精忠三藩以雲南廣東福建叛清，成功子鄭經頗

清統一中
國本部

臺灣入版

思乘機進取。卒之三藩敗，經亦無功。臺灣至清聖祖康熙二十二年，始為施琅所平，赫清版圖。

第十一章 俄羅斯東侵及中俄交涉

一五一 俄羅斯之東侵 自蒙古欽察汗國為俄所滅後，俄帝伊凡

四世用哥薩克人〔二〕東向侵略，遂於民國前三三二年以後，漸次征服西伯利亞，且越興安嶺而至極東之鄂霍海岸，其疆域南與外蒙古之車臣土謝圖汗相接，而時與蒙人貿易焉。民國前二百六十餘年時，乘清人經營中國，不暇注意東北，遂進至黑龍江北岸，侵略索倫部人所居之雅薩克，築阿爾巴青 Albagin 城，即吾國所謂雅薩克城者也。

地 俄人東略

注 〔二〕哥薩克本小俄羅斯（今烏克蘭）之一部，散處於帖尼博河流域，後徙頓河

流域，成為強大之民族，以練武掠奪為事。伊凡四世時，其酋因得罪於俄帝，乃請滅西伯利亞以自贖。

一五二 中俄之衝突 俄人既築雅薩克城，更略地什爾喀河流域

清俄爭雅
薩克

。俄政府曾兩遣使中國求互市，以語言文字之隔膜，所議無結果。俄人益經營雅薩克，築塞於精琦里河上流以爲策應，將席捲黑龍江東北數千里之地。清政府以其日逼也，遣都統彭春率師水陸並進，會於雅薩克城下，毀其城而還。俄人旋復據雅薩克，清乃以長圍困之。會尼布楚和議成，清軍始解圍而歸。

一五三 尼布楚條約及恰克圖條約

時俄以戰地距國都遠，應接

尼布楚條
約

不便，亟欲和。清聖祖亦不樂勞師邊遠，於民國前二三年，議和於尼布楚。清使臣索額圖態度強硬，且以大兵自隨。俄人氣爲之懾，乃議定沿外興安嶺至海爲中俄兩國境界，凡嶺南餘川注入黑龍江者盡屬中國；西則以額爾古納河爲界；毀雅薩克城。越三十年，俄復遣使詣北京，請改訂商約，約未成，留其副使而去，是爲外國公使駐北京之始。民國前一八五年，俄復申前請，乃與訂恰克圖條約，以恰克圖爲兩國通商之地，以烏特河地方爲兩國中立地，自是而後，至民國前五四年，兩國界約

外國公使
駐北京之
始
恰克圖條
約

中俄邊界

迄無變更云。

第十二章 清之兼併蒙回藏

一五四 準噶爾之統一厄魯特蒙古 初、瓦剌中衰，徙居喀爾喀

以西，分裂而爲四部：（一）和碩特、居烏魯木齊附近；（二）準噶爾、居伊犁；（三）杜爾伯特、居厄爾齊斯河流域；（四）土爾扈特、居塔爾巴哈台附近：總謂之厄魯特蒙古。清既定內蒙古，外蒙古喀爾喀三部亦通好請盟，獨厄魯特以僻在西北，未歸附。會西藏有黃教紅教之爭，和碩特部固始汗援黃教，遂自青海入西藏，留其子鄂齊爾汗鎮拉薩，而遙握西藏兵權。既而準噶爾、厄魯特、丹汗立，襲被和碩特部而有其地，遂統一厄魯特。且西藏回部、青海亦入其勢力範圍，乃成西域一大汗國，東向而圖喀爾喀。

厄魯特蒙古

韃靼部統一厄魯特

一五五 厄魯特與清之抗衡 喀爾喀於明季崇奉喇嘛後，習梵唄

，弛武事，各部族又自相攜貳，故其勢日衰。噶爾丹軍至，喀爾喀人不

清與噶爾丹

能禦，投漠南，降於清。準噶爾遂復併有漠北，且南向而窺漠南。是時

準噶爾之勢力直包圍清之北部及西部。於是清遂派兵定喀爾喀，噶爾丹遁歸伊犁，國勢瓦解，窮蹙自殺。噶爾丹兄子策妄阿布坦繼長準部，亦

清與策妄阿布坦

驍雄，與清爭西藏。清軍兩路入藏，逐去準兵。未幾和碩特固始汗之孫

清與羅卜藏丹津

羅卜藏丹津又據青海，聯絡準部，以圖復固始汗霸業。羅卜藏丹津平，

策妄阿布坦子噶爾丹策零復侵喀爾喀。時喀爾喀三音諾顏部長〔一〕策凌

頗驍勇，大敗策零，幾殲其衆。策零乃請和。清與約定以阿爾泰山爲界

清與噶爾丹策零

。噶爾丹策零死，準噶爾勢衰。輝特部長〔二〕阿睦撒納復圖霸厄魯特。

清與阿睦撒納

清高宗命兆惠等痛剿之。阿睦撒納敗走死，清軍乃剿殺其餘衆。會準部

痘疫盛行，於是厄魯特人死於痘者十之四，死於清軍者十之三，十之二

厄魯特亡

走入俄羅斯，其類幾盡。清準之爭，歷康熙雍正乾隆三朝，時互五十餘年，至

是始告結束。準部平，外蒙西藏因以大定，土爾扈特亦來歸。清乃置將

軍於伊犁，分設滿兵駐防，漢兵屯種，遂爲西北一殖民地焉。

厄魯特爲滿漢殖民地

注〔一〕三音諾顏、成吉思汗十八世孫圖蒙肯所始建者也。明季喀爾喀有紅黃教之爭，圖蒙肯尊黃教，爲護持，達賴喇嘛賢之，授三音諾顏號，令所部奉之如車臣土謝圖札薩克三汗。〔三音〕、唐古特語，善也；「諾顏」、蒙古語，謂官長也。然仍隸土謝圖汗。策凌既破噶爾丹策零，以功封和碩親王，乃不復隸土謝圖，自是喀爾喀分四部。

〔二〕初、準部之盛也，土爾扈特部畏其逼，徙居俄羅斯境，有輝特部起而游牧其地。

一五六 西藏之平定 自和碩特固始汗擊敗紅教，奉班禪居於後

藏，黃教遂統一西藏。及達賴五世死，固始汗之孫拉藏汗立伊西堅錯爲達賴六世。青海等諸蒙古以拉藏所立者爲僞，別立噶爾藏堅錯爲眞達賴，而呼畢爾罕之爭起。準部策妄乃入藏，殺拉藏汗，并幽伊西堅錯。清派兵遂策妄軍，然仍順藏人之心，認噶爾藏堅錯爲達賴六世；旋更設駐藏大臣於拉薩，西藏自是遂收入中國版圖。乾隆中，益重駐藏大臣權，并設「金奔巴」〔二〕於西藏及北京，以弭呼畢爾罕之爭焉。自是西藏相安無事者百餘年。

呼畢爾罕
之爭

西藏入中
國版圖

回代藏治
天山南路

回部入中
國版圖

注 〔一〕「奔巴」、藏語，瓶也。呼畢爾罕嗣續法，積久弊生，高宗乃特創製籤法，頒金奔巴二，一貯西廠大招寺，一貯京師雍和宮。凡達賴班禪及蒙古之大胡土克圖轉生時遇有紛議，則書名於籤，納諸金奔巴而掣之。

一五七 回部之平定

天山南路之喀什噶爾，本爲察罕台後裔所建，奉回教。清順治初，回教有黑山宗白山宗之爭〔二〕，白山宗首領亞巴克求援於西藏。藏人請噶爾丹助之。噶爾丹引兵入喀什噶爾，立亞巴克爲汗，而遷故汗族於伊犁，於是回族遂代蒙古族而統轄天山南路，次第同化附近諸部，而服屬於準噶爾。及厄魯特蒙古之亡也，回部遂謀獨立。清命兆惠等率師平之，設參贊大臣於喀什噶爾，而收其地入版圖。是時天山南北悉定，清威震於葱嶺以西，於是敖罕等國皆遣使入貢焉。

注

〔一〕天山南路、本元察罕台汗領土之一部。明時察罕台之子孫復於其地建喀什

噶爾汗，附庸於帖木耳帝國。帖木耳之盛也，四方回教徒爭集其國都撒馬爾干。茲祖讓

罕讓德後裔和卓木尤見尊信。明中葉時，和卓木子加利晏及伊撒克兄弟始至喀什噶爾，

各集弟子說教。自汗以下悉崇奉之。加利晏之門徒，稱爲白山宗，伊撒克之門徒，稱黑

山宗。喀什噶爾汗衰，和卓木子孫遂代握政權，兩宗之軋轢乃始盛。清順治初，喀什噶爾汗爲黑山宗信徒，故頗排斥白山宗。

第十二章 清之經畧西南

一五八 西南之苗患與改土歸流

自明太祖時沐英開府雲南；成

西南始開

祖時始置貴州等處布政司；西南乃漸開闢。然苗族錯居其間，榛莽猶未

盡啟。苗族蓋交趾支那種之散處於西南各省邊地者也。自元入中國

，諸苗先後降附，乃授爲宣慰、宣撫、招討、安撫、等土司，及土府、

土州縣，以治之，予以完全自治權。其長皆世襲，其人不知耕種，惟以

劫殺爲生。西南各省邊民頗苦之。其在邊者，又復時與緬甸老撾等國交

通爲患。明中葉後，卽常蠢動，至清世宗時，爲患益急，雲南巡撫鄂爾


泰取明沐琮遺意，建「改土歸流」之策，招撫貴州東西南三面生苗

二千餘寨，開闢貴州東南苗疆二三百里，劾黜雲南霑益等處土官，悉定

瀾滄江以東地。廣西諸土官自泗城之岑氏以下亦先後繳敕印，納軍器。

改土歸流

清初兼併蒙回藏圖



西南粗定

雲貴廣西三省始粗定。

注 〔一〕在四川者，謂之獐，在兩廣者，謂之獐、黎，在湖南貴州者，謂之獐，在雲南者，謂之獐，謂之野人。其人語言風俗皆與中國不同。〔二〕沐琮、沐英、沐孫、沐明。成化三年，廣西土官盧所部爲亂。琮請設流官，民大便。

一五九 大小金川之開闢

四川邊境有金川土司，明時分爲大小

金川兩部。乾隆中，勢漸強，併吞鄰部打箭鑪附近諸土司。高宗會命將征服之，旋復叛。最後乃命阿桂先略定小金川；以大金川地險備嚴，乃爲痛剿大金川之計畫。阿桂等經兩年之久，幾歷艱辛，始得征定。收大金川爲阿爾古廳，小金川爲美諾廳，皆直隸四川省。此役也、需時五年，費帑七千萬。蓋清室武功極盛時代、歷康雍至乾，凡百年，至此役而竭蹶之端倪已見矣。

大小金川
平定

清國力竭
蹶之端倪

一六〇 緬甸暹羅安南之服屬

清既以兵力平定西南諸土司，乃

與印度支那半島上諸國爲鄰。時緬甸頗強，時爲邊患。清軍征之，連戰

緬甸入貢


暹羅通貢

安南乞降

皆捷。會將士病瘴癘，緬人亦以與暹羅有爭土地事，來乞和。清許之，令其入朝貢、受冊封以和。暹羅自漢人鄭昭爲國王，即遣使通貢於清。昭死，子華繼立，仍入貢，受清冊封。華實暹人，或云爲昭義子，或云爲其婿，即今暹羅王室始祖也。安南，自明之季世，分爲二國：北曰大越，屬黎氏，南曰廣南，屬阮氏（舊阮）。康熙中，大

越王黎維禱受清冊封，爲安南國王，自是朝貢不絕。乾隆時，廣南土豪阮文岳（新阮）與弟文惠起兵，顛覆廣南王室，自據之。文惠更入大越，大越王黎維禱乞援於清。清命將征之，文惠懼，乃更名光平乞降。清

請初經略西南圖



亦厭兵，遂許焉，封光平爲安南國王。

備覽 安南本 秦之象郡，向隸中國版圖。唐置安南都護府，五代時始獨立，尋有丁部領者統一之。宋孝宗時有李天祚者，以交阯王名義入貢，乃策封之爲安南國王。明初，曾一度隸明郡縣；尋獨立。至明季而分爲大越廣南二國。

附錄 是時木邦附近有卡瓦獨立部（葫蘆國）者，地饒銀礦。乾隆初，有中國石屏州人吳尙賢，得其部長之許可，設廠開採，成績大著。一時茂隆銀廠之聲勢，至傾動諸部。尙賢既得志，一方用卡瓦部長名義，上書雲南督臣，請以礦稅作貢；一方游說緬甸，使入貢。乾隆十五年，緬王莽達拉以尙賢介紹，附表達雲南督臣，願充外藩。會緬有內亂，而罷其議。尙賢亦爲雲南督臣所陷，瘐死獄中，茂隆銀廠亦解散。使吾國有賢政府，茂隆銀廠未始非英之東印度公司也。

第十四章 中英鴉片戰爭

一六一 戰前中英交涉 清自起於滿洲，百餘年間，陵駕東亞各民族；迨與英人遇而情見勢絀矣。英人之來中國者，自康熙中始得設商館於廣東。然廣東稅關科稅殊重，英商乃轉赴浙江之舟山、寧波、等處

英求輕稅

乾隆中，清政府復加重浙海關之稅，過於粵海關，英商在浙海之貿易又爲之大挫，而轉趨廣東。於是英政府遣使至中國要求免稅，或減輕稅則。清政府強其樹朝貢旗，強其行拜跪禮，英使冀達目的，皆曲從焉。然仍不得請而去。英人遂有主張用兵力以保護商民者矣。

一六二 鴉片交涉

鴉片自唐時已由大食商人輸入中國，然爲數極少，只用於醫藥。明末歐人通商以來，則由葡萄牙人販運。清初輸入者年僅數百箱，乾隆中驟增至四千餘箱，自是中國到處有鴉片矣。清政府知其害，屢申禁令不能絕。道光中，湖廣總督林則徐痛陳其害，謂「烟不禁絕，國日貧，民日弱。十年後，豈惟無可籌之餉，抑且無可用之兵。」清遂派林則徐爲欽差大臣，赴廣東查辦。則徐至廣東，令英商繳出鴉片二萬餘箱，燬之，且杜絕其通商。

一六三 中英啟釁

清既絕英通商，英遂派兵至廣東。則徐備之甚嚴。英人乃轉沿海而北，占領舟山羣島，封鎖寧波，更北進向大沽。

鴉片之害

英軍逼南京

各省疆吏以爲啟釁由則徐，政府亦以爲則徐操切，命琦善赴廣東代則徐。琦善至，遽與英議和，議定償烟價七百萬圓。英人強索香港，琦善亦許焉。政府以爲割地償金仍不能杜絕鴉片，咎琦善而黜之，由是戰釁再開。英人增發援軍，占香港，攻廣東，復沿海而北進，破定海、寧波，更由上海進占鎮江，直逼南京。政府不得已，乃派耆英、伊里布、與英人講和。

一六四 江寧條約

耆英、伊里布、奉命至南京，與英將璞鼎查

五口通商

Henry Pottinger 訂江寧條約，重要者爲：(1)償鴉片價六百萬圓，商欠三百萬圓，軍費一千二百萬圓；(2)割讓香港與英國，開廣州、廈門、福州、寧波、上海、五口爲商埠，許英人居住貿易，并得派遣領事專理商賈事宜；(3)秉公議定關稅則例——尋根據此約與英國訂定關稅值百抽五。於是英商減輕稅則之目的達。(吾國所欲杜絕之鴉片，則仍源源輸入；直至清末始與英人協定：中國人民不許種植，英國亦禁其商人輸運入口

。此約訂後，法、美、等國亦均援英例締約。由是中國門戶洞開，捲入世界競爭之漩渦矣。

一六五 江寧條約之影響 凡一國之財政收入，任何國不得干涉

之。稅權基於國權而發生，以國定爲原則。當訂約時，未嘗不可據理力爭；耆英等不諳此，輕許將稅則列入條約，遂開協定之惡例，而關稅增加無自主權；尋且稅關行政亦受其干涉；終至稅關全權入人掌握；皆此江寧條約階之厲也。

關協定關稅之惡例

備覽 江寧條約成，我國應賠償之款爲二千一百萬圓；先交六百萬圓，餘以關稅爲擔保。英國遂派商務監督及領事於五口，實行管理海關，是爲外人干涉海關行政之始。各國援例，亦各自徵收其國人之進口稅，以交付中國。後因往往以領事而兼營商，積弊日深，嘗一度交還中國。民國前五九年，太平軍戰事正殷，稅關不能行使職務，政府仍受外國領事之請求，舉海關而歸之外人保護之下。又與英法美領事協議，於三國僑商中選代表各一人，協理稅務。一年後，更派英代表雷氏爲總稅務司，自是海關行政遂落外人之手，中國反不能過問。民國前十四年，總稅務司必用英人，且以正式公文向英國認承矣。

第十五章 太平軍之起滅及其影響

一六六 清代統治力之消長

有清一代、創業者爲太祖；併漢族

盛極而衰

，入主中國，而建帝國者，爲世祖；兼併蒙回藏以統一東亞者，爲聖祖、世宗、高宗。故清至高宗，領土北界西比利亞，西接蔥嶺，西南鄰印度，東與南皆抵海，且包有臺灣。疆域之廣，除元代外，罕見其比；而統治力或且過之。然盛之極，卽啟衰之漸。高宗好大喜功，不恤民力。天山南北之用兵，費帑三千萬兩；大小金川之平定，費帑七千萬兩。此猶就兵費之可考者而言；加以屢次江南之巡遊，所耗更無算；而庫中之剩餘金猶且在七千八百萬兩以上。嘉慶初、仁宗所籍沒權臣和坤之財產，就所估價之四分之一，已在二萬二千萬兩以上。凡此君臣之所聚斂恣耗，何莫非人民之膏血。故清至仁宗，民已不堪其苦，亂機遂四發而不可遏。白蓮教匪之役，破裂更大；前後歷九年，蔓延遍五省〔一〕，實清代統治力由盛而衰之一大轉捩；益以外交之失敗，尤啟人民輕視之心。

白蓮教匪

於是太平軍興，清勢遂幾乎不可收拾矣。

注 〔一〕湖北四川陝西甘肅河南。

一六七 太平軍之起事

太平軍首領洪秀全、廣東花縣人，本一儒士；後從基督教，頗吸收外來之思想，創立上帝教〔一〕。乘廣西饑饉之餘，大倡其博愛平等之說。道光末年，舉兵於廣西之金田村。咸豐元年，遂占永安州，建國號曰太平天國，而自稱天王。封其將楊秀清韋昌輝石達開等爲王。旋北擾湖南，出洞庭，勢大盛；由武漢直下長江，得南京而都焉，改命之曰天京。於是遣林鳳祥等移師北伐，而自居守於南京。時歐美人士莫不目之爲「爲人民爭自由」之革命軍，至請其政府宣告中立。尋林鳳祥北伐失敗，太平軍乃專從事於長江方面。

注 〔一〕秀全依託基督教，創立其所謂上帝教，以上帝爲天父，以基督教主耶穌爲

天兄，而已則爲上帝之次子。

附錄

太平軍之教義、以爲天下之人，悉天父之子女，故男皆兄弟，女皆姊妹，均當

太平軍得
南京後移
師北伐

太平天國

享天父之大福：有田同耕，有飯同食，有衣同穿。既得南京，遂建均田之制：凡土地田畝、不得爲私有；男婦十六歲以上，每歲得受田而耕之，十五歲以下則給其半。金錢亦不得私藏，凡貯銀十兩，金一兩者，則爲私藏犯，須處罰。又禁鴉片，戒飲酒，禁止奴隸、娼妓，不許蓄妾纏足，以提倡人權。

一六八

曾國藩之湘軍

於時太平軍有一勁敵焉，卽曾國藩統率

之湘軍是也。國藩本儒者，平居服膺宋代理學。太平軍擾湖南，國藩因辦團練以自衛。清政府卽命其討太平軍。國藩以太平軍之設施，一本諸上帝教，乃發布檄文，目爲名教之奇變^{〔一〕}。卽率其自辦之團練——所謂湘軍者，先規復武漢，沿江而下，以次收江北各地，逼壓其戰線，縮之於江南。彭玉麐率湘軍水師會之，直壓南京。

注

〔一〕曾國藩討太平軍檄：『……舉中國數千年禮義人倫，詩書典則，一旦掃地

蕩盡，此豈獨我大清之變，乃開闢以來名教之奇變，我孔子孟子之所痛哭於九泉。凡讀書識字者，焉能袖手坐觀，不思一爲之所也。……』

一六九

太平軍之內訌及敗亡

太平軍之初起，其諸將皆青年有

太平軍內
訃


爲，故其興也驟。及得南京，遂中暮氣，不久而內訃作。韋昌輝殺楊秀清；又欲殺石達開，達開夜逃，別成一軍肆擾西南各省。洪秀全忌昌輝跋扈，因殺昌輝。於是秀全之將僅有陳玉成踞江北爲拱衛，而李秀成則別以軍下蘇浙，以爲之聲援。迨湘軍下江北，國藩遂命其弟國荃圍南京，而別遣左宗棠圖浙江，李鴻章圖江蘇。是時歐美人亦已覺太平軍之殘暴，舍其中立態度，起而援清，組織常勝軍，先後由美人華爾 Ward 英人戈登 Gordon 統率之，助鴻章定上海，復蘇州。宗棠亦定浙江。秀全困守南京。民國前四八年，南京陷。李世賢等挾其餘衆，南竄閩粵，始盡殲。蓋騷擾遍十六省，爭持已十五年矣。

太平天國
亡

一七〇 捻亂與淮軍

捻黨本河南安徽奸民，組織黨徒，爲地方患。太平軍陷南京，蘇皖魯豫鄂五省之交，各捻乘勢蠡起。太平軍之後期，其將陳得才與捻黨結合。連兵擾陝西、河南、湖北等地。清更命曾國藩剿之，國藩以爲湘軍已有暮氣，舉李鴻章之淮軍以自代，於是捻平

清中葉及太平軍圖



，淮軍遂代湘軍而起矣。

一七一 陝甘之回亂

陝甘之回、統稱曰東干，大約元時徙入，與漢民雜處。漢回常以細故啟釁。及太平軍之聯結捻黨擾陝西，回人遂盜起，占領渭南一帶；既而蔓延愈廣。及太平軍亡，清使左宗棠總督陝甘。宗棠分兵三路攻之，斬其酋馬化隆，陝甘之亂略定。餘回酋多請降，惟白彥虎率殘黨遁喀什噶爾，依其汗阿古柏帕夏。於是陝甘之回亂、又影響及於玉門關外矣。

附錄

太平軍之與清對峙也，國內乘機起而圖叛離者；在北則皖豫之捻，陝甘之

回；南則有雲南之杜文秀；清之統治權，已陷於破碎不完之狀態。文秀亦永昌之回，以圖亂爲官軍所破，潛居蒙化，乃糾合蒙化回會起兵。雲貴總督恆春、潘鐸、先後死之。羣情洶洶，無敢言辦回亂者。文秀據大理，所占逾雲南全省之半，西及四川，東及貴州；建築禁城，自擬王制。雲南省城且陷。代理布政使岑毓英督兵死戰，更召降回馬如龍入援，省城賴以安。於是毓英與馬如龍分兵先後收復附近州縣。同治十一年、毓英督川軍楊玉科直逼大理。文秀服毒死，梟其首以徇。雲南回亂五十八年而始平。馬如龍之用兵平回也，嘗

仰給軍器於法國。至是法乃以紅河航權相要，外交上因又引起無窮之糾葛矣。

一七二 左宗棠平定新疆 太平軍之起也，敖罕人 阿古柏 帕夏 建

中國借外
債之始

天山南北
改新疆省

國於喀什噶爾，與英俄締約通商；且遣使土耳其其國要求承認其獨立，聲勢頗盛。至是白彥虎走依之。左宗棠欲乘勢進征，然頻年內亂，餉無所出。清政府中頗有議棄關外地者，宗棠力持不可，乃借外債以充餉，是為中國借外債之始。宗棠既出師，先平天山北路。命劉錦棠自北而南，張曜自東而西，分道進。阿古柏 帕夏 仰藥死，天山南路諸城先後克服。白彥虎遁入俄境。天山南路亦定。後至光緒十一年，即民國前二七年，改天山南北為新疆省。

一七三 伊犁交涉 回事起，俄人遂進占伊犁。清政府詰之，乃

許亂平後歸還。光緒五年，清政府遣崇厚使俄交涉。崇厚為俄人所脅，除償還俄國五百萬盧布外，復許割伊犁南部 天噶須河上流兩岸之地。朝議大譁，左宗棠力主不可。政府乃下崇厚獄，別令曾紀澤赴俄。卒以曾

收回伊犁

紀澤之力爭，左宗棠復耀兵哈密以示不可侮，乃於民國前三〇年，締新約於俄都，償俄九百萬盧布，而收回伊犁。

一七四


滿漢勢力之消長

清初

漢重任漢人

諸帝、猶時責滿人以習騎射。然滿人已炫於漢族之文化，漸失其驍勇之本性。太平軍初起時，清政府猶思用賽尙阿等滿員平定之。無如賽等皆恇怯不勝任，乃不得不以委漢人曾左李；卒賴漢人之力而收定亂之功。自是以後，清政府知滿人之不復足恃，而重任漢人。且自太平軍之役，二百年來滿人副署之制破，開漢大臣專報軍情之先聲；迨李鴻章平捻時，遂成定例。然治捻亂，猶有滿將參與

清 平 回 亂 圖



；及左宗棠平回，則重要軍將，盡漢人矣。

備覽一 雍正二年，吉林官吏請於該地建造太廟，致滿漢子弟讀書應試。世宗御其奏曰：『我滿洲人等自居漢地，不得已而與本國習日相遠。惟烏喇（即吉林）寧古塔等處兵丁不改易滿洲本習。今若崇尚文藝……俱專意讀書，不留心武備，即果能力學，亦豈能及江南之漢人。……可見雍正時入關之滿人已漸同化於漢族。然自入關以來，其力保固有風俗始終不改。至高宗猶患滿人之漸染漢習，作滿洲源流考。其中引國初太宗戒羣臣言，屢引金世宗「毋忘練習騎射，備武事」之語。高宗而後，清代諸帝，遂無復以此為念者矣。

備覽二 太平軍興時清湖北巡撫胡林翼克武昌。湖廣總督官文頗貪庸，以其門役居要地。胡欲除之。幕僚闕敬銘語之曰：『本朝二百年中未嘗專任漢人以兵權。今督撫及統兵大臣皆滿漢並用，……況官文又係滿人，能藉其言以行大事，誠千載一時之遇也。』此猶足見當時滿漢大臣之位。其後如文慶如肅慎皆以滿人而力主重用漢人矣。

第十六章 英法聯軍

一七五 起釁之原因 太平軍崛起於大江以南也，同時北方復有

英法聯軍之役。咸豐六年、粵水兵入商船亞羅 Arrow號捕人。亞羅故中

亞羅船案

英法聯軍
入廣州

國商船，而註冊英籍，張英國國旗者。粵兵捕人時，偶拔其旗。英領事巴夏禮 H. S. Parkes 遂執以爲口實，移書詰總督葉名琛。名琛輕英人，且以爲中國兵捕中國人，於英人無與，置不答，亦不爲備。值廣西復有殺法教士事起，英法遂聯軍陷廣州，執名琛。

天津條約

一七六

天津條約及北京條約

廣州既陷，英法皆派全權公使致

英法聯軍
據北京

書清政府，求善後。清政府復不納。英法聯軍遂由海道北向而窺天津，陷大沽。清政府不得已乃與訂天津條約，其重要者爲：(1) 允許教士入內地傳教，商船得航行內地。英法人民得領執照往內地游歷；(2) 除前開五口外，更開營口、烟臺、臺灣、汕頭、瓊州等爲商埠；(3) 英法兩國人民訟案，不論人產皆歸兩國自行辦理；(4) 償金四百萬兩與英，二百萬兩與法；時民國前五四年也。明年英法各以公使來換約，至天津，清僧格林沁 礮擊之，死傷甚衆。於是聯軍再至，陷天津，進逼北京，燒圓明園。

清文宗避往熱河，聯軍遂據北京。俄公使伊格那提夫 Ignatiev 出而調停

北京條約

設總理衙門
國事務衙

，乃復結北京條約：(1)實行天津條約；(2)增開天津爲商埠；(3)償金、英增爲一千二百萬兩，法增爲六百萬兩；又割香港對岸之九龍與英；時民國前五二年。清政府由是覺對外交涉之常急，乃設總理各國通商事務衙門，凡對外條約上一應事宜，悉由管理。

一七七

天津條約之影響

中國自江寧條約成，外國始置領事。

領事裁判
權之始

至此天津條約，乃訂定英法兩國屬民相涉案件，不論人產，皆歸其領事辦理。於是更與外國以領事裁判權。訂約之初，不過謂各依其本國法律，審判治罪耳。故必犯罪者爲外國人則然。繼而入外國籍之華人，亦由領事裁判矣。由是而擴張之，外人雇用之華人亦包括在內。始而訴訟者兩造中有一方爲外人，則用之。繼而租界中兩造皆華人，亦適用之。於是事涉租界，無復有中國法權之餘地。此種破壞國家主權之領事裁判制，實天津條約階之厲也。

中國法權
不及租界

一七八

東北失地

先是俄人遠東之經營，自尼布楚條約成，頗

東北失地
九十萬餘
方哩

爲之一挫。及清政府內困於太平軍，外

逼於英法聯軍，俄將莫拉維哀夫 Muraviev

遂率兵下黑龍江，乘勢脅迫，與清

訂立愛璉條約，割黑龍江北岸雅克薩一

帶之地以去。時民國前五四年也。至英

法第二次聯軍進據北京，以報酬俄公使

調停之功，遂又訂北京條約，割去黑龍

江烏蘇里江東岸一帶。俄人不損一兵，

坐得九十萬三千方哩之地而去。


第十七章 西南邊防與英

法

一七九 法國之經營安南 安南舊阮王室之裔福映、借法人之助

，推翻新阮，統一安南；與法約割讓化南島，且許以自由通商焉。及事

東北失地地圖



法越締約

成，法人責前約，且藉口安南政府虐待法教士，遂與安南起釁，以兵入湄公河，拔西貢，取下交趾地。旋又因欲通雲南之故，要求開放紅河，遂縱兵據河內。時太平餘黨劉永福，以其所統之黑旗軍，據紅河上流之老開，安南人藉之以擊法人。法人敗，乃與安南締約：許紅河自由通航；認安南爲獨立國，使與中國斷絕關係。及安南有亂事，中國派提督馮子材爲之平亂。法人又藉口安南背約而進兵，中國軍不能制。法與安南復締約：安南爲法保護國。時民國前二九年也。

法越復締約

一八〇 中法戰役

中國政府知是約成，大反對，一而使劉永福擊法兵，更遣岑毓英進兵諒山；一而使駐法公使曾紀澤與法政府交涉，不認是約。時中國兵之在安南者，戰不利，民國前二八年，李鴻章乃與法成和議，允讓東京。時守安南之中國軍將尙未知，於法軍至諒山接收時，突擊之，法軍大創。法人以爲背約，索償金一千萬鎊。清政府拒之，法遂派艦出南洋，攻臺灣、福州，旋爲劉銘傳所敗，法將孤拔亦死於

法國勢力
侵入雲南

滇緬分界
問題

西南藩籬
盡撤

澎湖。蘇元春、馮子材、等復敗法軍於諒山。法軍氣沮，會李鴻章與法和議又成，締約於天津：承認安南爲法保護國；更開雲南邊境蒙自等處爲商埠；惟不賠償兵費。於是法之勢力乃由安南而侵入雲南矣。

一八一 滇緬分界問題 緬甸亦中國藩屬，自英併印度，遂與緬甸接界。英緬之間，時有戰爭；割地償金，緬地日蹙。中國以國內多故，不暇顧及。中法戰役時，英人又由印度進兵占領緬都。中國政府使會紀澤就英廷抗議，僅得英人許代緬納貢之約，事遂寢。然滇緬分界問題以起，交涉久不決。民國前十八年，始訂約，然失地已不少。清季英人復進窺片馬，至今猶懸而未決。滇緬界約成立之同年，暹羅亦廢止入貢中國例。自是西南藩籬盡撤矣。

第十八章 清代學術思想變遷之趨勢

一八二 王學之反響 明之季世，王學極盛；然其末流、極爲世所病。一時學者思有以正之；其甚者并抹殺一切，根本否認理學焉。茲

分述如下：

王夫之

1 反對王學者

是派最著者爲王夫之。夫之嘗以爲王學竄入禪宗，實爲無忌憚之至。而陸隴其斥王學尤力，至謂其爲亂明之原。

陸隴其

——王與陸皆崇朱學者。

2 反對空談理學者

是派大師爲顧炎武、黃宗羲。顧氏病

顧炎武

黃宗羲

理學之空談，欲易之以通經致用。其說以爲「舍經學而言理學，而邪說以起。」其治學方法：重自得，貴博證，求實用。又以「通經必先考文，考文必先知音，」故頗致力於聲音訓詁之學。黃宗羲本講王學，中年後趨向一變，以爲明人講學，不事六經，束書游談，更滋流弊；主博治經史以致用；尤以史學爲根柢。其著明夷待訪錄，明辨「君主」「國家」之非一物，其立論之博辨，非精治史學者不能道。總之顧黃二大師之薄講學，求致用，實受明末時代之影響者也。

3 根本反對以讀書說理爲學者

是派則顏元之所倡也。元以

顏元

李塿

顧黃爲清
代學術之
導師

漢學

宋儒經說
失其權威

爲「以讀書爲學，固非孔子之學；以讀書之學解書，並非孔子之書。」故教人必習六藝，而躬行實踐之，且其所實行者，亦不拘於舊說之六藝，而爲躬耕、習醫、技擊、兵法、禮、樂，蓋絕對的實用主義也。其大弟子有李塿。

上述之三派，朱學至清已成強弩之末。顏李一派，又不適於好恬靜之國民性。於是顧黃二氏遂爲清代漢學、史學、兩大流之導師。

一八三 漢學之特盛及其流變 自顧炎武提倡經學，開考證之風

，於是清代特盛之漢學以起。茲述其流變如下：

1 主漢攻宋時期 是期中以毛奇齡爲先鋒，其攻擊太極圖、

四書朱熹註，頗足使宋儒學說動搖。繼是而興者，有胡渭之易圖明辨

二、陳啟源之毛詩稽古編 三 等。向以宋儒經說爲宗之四書大全五

經大全遂失其權威。

注 「一」胡渭易圖明辨、大旨係辨自宋以來所謂河圖洛書者，實受於道士陳搏，與

易義無關。河圖洛書與太極圖同爲宋儒所本。〔二〕陳啟源毛詩稽古編、所辨正者，惟

朱熹集傳爲多，歐陽修詩本義、呂祖謙讀詩記次之。

2 漢學確立時期 第一期諸儒、只以考證之學指斥宋儒之立

說，尙不免有逞空辨者。自惠棟戴震出，一宗顧氏博證之法，嚴守漢人注書之條例，博引羣書以說經，而漢學以確立。漢儒講經，本時雜陰陽家言；惠棟亦一一遵守之。棟之惟漢是遵，而漢學壁壘以立。戴震精核尤過棟，以其一空倚傍之精神〔二〕，掣究訓詁名物之實學，重客觀，輕臆想，極合科學方法，漢學於以大光。傳其學者以段玉裁王念孫爲最著，清末之俞樾孫詒讓以至章炳麟、猶嚴守其法以治羣書。

注 〔一〕戴震東原集與某書：『志存問道，必空所倚傍。漢儒訓詁有師承，有時亦

傳會。……宋人則恃胸臆以爲斷，故其襲取者多謬，而不謬者反在其所棄。』

3 漢學分蛻時期 漢學易涉於破碎，矯之者乃有今文家之漢

學。首張其軍者，爲莊存與；（與戴震同時）其後發揚光大之者，爲

惠棟
戴震

今文家

劉逢祿襲自珍。今文家之漢學不斤斤於訓詁名物，而專求其所謂微言大義。清季傳其學者，有王闓運、康有為。

備覽一 自清初閣者驟力攻古文尙書之僞，同時毛奇齡亦作古文尙書詁詞以與之爭，於是漢代之今古文公案又復提起。蓋清儒之唯一精神在求真，古書之真僞自不能不明辨；其博辨羣書者，更有姚際恆之古今僞書考，自是明辨古書真僞之業隨之而盛。學者得不致妄用其力於僞書，此不能不歸功於閻氏諸人也。

備覽二 漢學之唯一精神在求真，其求真之方法，則在博證，於是校勘書籍之學尙矣。故康熙時所纂類書如圖書集成之宏鉅，猶不足饜學者探求之欲，必進而求讀原書。至乾隆時遂有四庫全書之蒐輯。此固以廣漢學家之需要，而亦非漢學發達不能有此偉業也。坐是而校書刻書，相習成風。抑校刻存書之不足，更進而蒐輯佚書，如馬國翰之玉函山房輯佚書、黃奭之漢學堂叢書。向者湮沒於世之古籍，遂以漸見於世矣。此受漢學之賜者一也。既欲廣徵博證，則書籍外之遺文、如鐘鼎，如石刻，亦無不可爲徵證之資料，而金石之學以盛。最近羅振玉、王國維因之發明龜甲文，又爲文字學上絕大之新貢獻。此受漢學之賜者二也。夫佚書金石之是求，則唐以來所不視爲正統之諸子學，尤爲徵證之好資料，坐是而

諸子之學說，又引起學者研究之興趣。此受漢學之賜者三也。同時並盛之史學，亦得以校勘之法施之，而大收爬羅梳剔之功。此受漢學之賜者四也。又因顧氏「讀經必先考文，考文必先知音」之言，而音韻學因以特盛，遂爲清末國音統一運動及最近之國語運動之濫觴。此受漢學之賜者五也。至今文家出，發公羊「春秋三世」（卽據亂、小康、大同。）之說，尤足以解放向來之束縛，激發學者之思想，而開迎受歐洲思想之門。

備覽三 與戴震同時有姚鼐，本以古文鳴於時，爲桐城派古文大師之一。姚氏標義理、考據、詞章、三者並重之說，已不滿於漢學家之專以考證爲學。中興名臣曾國藩本私淑姚氏者，尤揭義理學。至方東樹作漢學商兌，極力爲宋儒張目，於是而有所謂漢學、宋學之爭；然於理學終無甚發明。

一八四 史學之特盛及其影響 自黃宗羲主治史以致用，得萬斯

同而其學大光。宗羲著明儒學案實爲中國學術史之創作。斯同力言表志之重要，是已知治史之當重文化變遷；傳其業者以全祖望爲最著，言文獻者宗焉。其後章學誠出，宗孔子「取義」^{〔二〕}之旨，以通古今之變爲主，實爲史學上一大貢獻。崔適之考信錄、以經證史，力斥傳會，其注

重客觀，尤合科學精神。黃氏萬氏皆生於浙東，浙東之學自呂祖謙以來，本重文獻；明清之際，浙東受禍亦甚烈；故傳其學者如全祖望等，遂皆熱心傳布明之遺事，以激起士夫故國之思、種族之見。而莊廷鑑、呂留良、等之著作，尤爲指斥不諱^(一)，遂以成文字之獄。此其風至清末，章炳麟等而益盛，與歐美輸入之民主思想合流，遂以促清之亡云。

注 (一)『其事則齊桓、晉文，其文則史，孔子曰：「其義則丘竊取之矣。」(見

孟子) (二)明朱國禎嘗著明史稿，爲浙歸安人莊廷鑑所得。廷鑑爲補崇禎朝事，語多

指斥清。歸安令吳之榮首之，清政府戮廷鑑屍，而殺其父與弟。呂留良、清初諸生，著

書多種族之感。湖南人曾靜讀其書，因勸岳鍾琪反。清乃戮留良尸，靜後亦見殺。

第十九章 中日之戰

一八五 朝鮮交涉 朝鮮降清後，稱臣奉正朔，世受中國冊封。

同治初，李熙立，年幼，其生父大院君李昰應執政。時日本自變法維新後，正圖向外發展，光緒初，既琉球^(一)，乃謀朝鮮，屢肆其要挾。

朝鮮爲中
日公共保
護國

會朝鮮有襲擊日本使館之事，日人出師問罪。中國乃爲執大院君與議和，許日兵共駐朝鮮都城。迨朝鮮閔妃擅政，國內分新舊兩黨：新黨依日本，舊黨依中國。兩黨內鬪，新黨乞師日本爲之助；舊黨則乞援於中國。日本乃使伊藤博文來天津，與李鴻章議朝鮮事，約定兩國各撤兵；如不得已派兵時，兩國須先知會。自此朝鮮遂不啻爲中日兩國公共保護國矣。時民國前二十七年也。

注 〔一〕琉球亦我屬國。民國前三十三年，日人廢其王，改爲沖繩縣，我國奪之不得。

一八六 甲午之役 民國前十八年，朝鮮有東學黨之亂。朝鮮告急於中國。李鴻章一面發兵進駐牙山，一面依天津條約照會日本。兩國兵未至，而東學黨已潰散。中國遂請日本撤兵。日人藉口改革朝鮮內政，不允退，并幽朝鮮王。時中國雖新興海軍，然竄敗不可用。李鴻章知之，不欲與日本起釁。日人乘我不備，突擊我運兵之船，沈之，戰端遂

中日之戰

開。中國倉猝出兵，海軍既缺乏戰術，陸軍又無紀律，海陸兩方皆失利：日軍一而陷旅順；一面占領威海衛，海軍提督丁汝昌自盡。清政府大震，與日本議和。

一八七 臺灣之割讓與遼東之交涉

李鴻章奉政府命爲全權大臣

朝鮮自主

，赴日議和，與日使伊藤博文會議於馬關，訂和約：以朝鮮爲自主國；償日本軍費二百兆兩；割讓遼東半島及臺灣、澎湖、諸島；於沙市、重慶、蘇州、杭州、長沙、開商埠。然俄人自據黑龍江後，意固垂涎遼東，至是爲日所取，大恐不利於己，遂聯合德法兩國脅日本歸我遼東。日本不得已，允之，惟增索賠款一百兆兩，後減至三十兆兩。議成，遼東仍歸還中國。


遼東問題

一八八 要港之租借

俄以脅回遼東之功，索地爲謝。清政府不

能拒，遣李鴻章與之訂密約：許俄得東三省鐵路敷設權及礦山開採權，并得租膠州灣爲軍港。於是德人借曹州殺德國教士事，率軍艦入膠州灣

，強租之，
 以九十九年
 為期；並及
 膠州鐵路之
 建築權，路
 旁百里內之
 礦山開採權
 。俄人以密
 約中之膠州
 灣既為德所
 奪，則強租
 旅順大連灣
 ，以二十五



甲午戰役
之影響

年爲期。英人亦藉口均勢，索租威海衛，租期如旅大。法亦以兵艦入廣州灣，強租之，租期如膠州。莫見之，又藉口均勢，索租香港對岸地，以廣其舊占之九龍，期亦如廣州灣。於是沿海要隘盡失，要皆甲午一役之影響也。

第二十章 清末革新之動因及其經過

一八九 戊戌政變以前之政治 英法聯軍入北京，清文宗避往熱

同治中興

河，未幾遂死。穆宗嗣位，年幼，太后鈕祜祿氏那拉氏臨朝聽政，任用曾左諸賢，號稱中興。曾國藩用廣東人容闈之言，銳意派遣青年，留學歐美，然亦不過款其船堅礮利，以爲經營國防之計已耳，未嘗措意於歐美之學術政治。穆宗死，德宗嗣政，權爲那拉太后及恭王奕訢所攬，任用號知洋務之李鴻章，然所興者不過兵工廠海軍等國防之經營，鐵路電線等交通之機關，於政治之改革仍無與。旣而那拉太后雖歸政，仍攬實權，寵宦官，任羣小，政以賄成，人心漸去。

一九〇 戊戌政變

先是今文學家康有爲嘗屢上書請變法，皆格

於恭王奕訢，不見用。奕訢死，德宗用康言，決意變法，下詔定國是，擢用康有爲及其徒黨梁啟超譚嗣同等，日在勤政殿與諸人討論變法。於是廢八股，開學堂，改兵制，立商會，汰冗員，廣言路，維新之詔，月數十下。親貴大臣皆不悅。那拉太后尤不喜德宗所爲。反對新政者，遂從而媒孽其間。於是太后復臨朝訓政，急捕康梁等。康梁預得警信，一走香港，一走日本，譚嗣同等六人就逮見殺。德宗所施新政悉罷之，聲言德宗有疾，幽之於瀛臺，時民國前十四年戊戌八月也。

備覽

康有爲倡「春秋三世」「孔子改制」之說，主張革新政治。政府中之賢達者，

亦鑒於甲午之敗，各國之紛紛索租要港，憬然覺有改革之必要。於是文廷式首倡強學會於北京，內而孫家鼐翁同龢，外而湖廣總督張之洞，皆贊助之。上海則有黃遵憲黃紹箕康有爲等之強學會支部；康有爲及其弟子梁啟超鼓吹尤力，發行時務報，以傳播其革新之思想。時各地學會紛起，而先是美人林樂知、丁韞良、及英人李提摩太等組織廣學會，譯印各種科學書籍，尤爲開風氣之先云。

外
舊黨之排

一九一 戊戌政變之反響 康梁之走也，英日以其爲國事犯，頗加保護。清政府欲捕之，不能得。太后既幽德宗，密圖廢立，首遭兩江總督劉坤一之反對，各省疆吏紳民繼之，各國亦不以爲然，議始寢；然卒立端王載漪之子溥儀爲大阿哥，各國駐京公使又不入賀，且有違言。由是自太后、載漪、以至政府中頑舊大臣，頗致怨各國，而挾仇視外人之意。且諸言改革者動以各國之政治設施爲根據，更思藉排外功成，以間執新黨之口。積此諸因，遂演成獎掖拳匪、仇教排外之謬舉。

一九二 拳匪之亂

初、各國教士挾其國勢以布教於中國也，無

民教交怨

賴之徒、往往廁身教籍，以陵虐同類。教案一出，外人既偏信教民，向地方官爲之庇護；官吏又以怯於交涉，遂宛抑良懦而不恤。民教之間，積怨至深，此各地仇教舉動所由迭起也。至是有拳匪者遂乘機煽惑，標「扶清滅洋」之名以號召，蔓延於山東直隸一帶。袁世凱爲山東巡撫，燭其奸，痛剿之，匪因盡竄入直隸。值那拉太后、載漪、等排外心切；

義和團攻
使館

聞之大喜，獎爲義民，編爲義和團，匪勢於是大熾。所至戕教士，焚教堂，甘軍董福祥復率兵助匪。無何、日本使館書記官杉山彬爲董部所殺，德國公使克林德亦見戕於載漪之部下，那拉太后遂令載漪及莊王載勛督義和團圍攻使館，且通電各省，協力排外，時民國前十二年也。

一九三 聯軍入京 拳匪之入京也，各國公使既一面集兵自衛，

一面詰問總理各國事務衙門。未幾英、美、德、法、俄、日、奧、意、八國各派兵艦抵大沽，遂陷大沽礮臺，直趨天津，沿途用綠氣礮轟擊兵民，死傷無算。聶士成力禦之，不克而死。聯軍乃進逼北京，那拉太后倉皇挾德宗西走，聯軍入京，剿殺拳匪殆盡，占據宮禁，毀掠重器。俄且乘機盡占東三省，直隸各要城亦先後爲聯軍所據，惟東南各省以劉坤一之發起，聯合湖廣總督張之洞，兩廣總督李鴻章，及山東巡撫袁世凱相約不奉命，與各國領事訂互保之約，乃得無事。袁世凱以其所率之新建軍阻拳匪南下，尤有功。自是袁之新建軍，又代湘軍淮軍而起矣。

聯軍入京

袁世凱之
新建軍

李鴻章與
聯軍議和

外務部

日本與滿
洲

一九四 和議告成及東三省問題

那拉太后之出也，留慶王奕劻準備和議；及抵太原，下詔罪己，召李鴻章令與奕劻爲議和全權大臣。鴻章乃與聯軍定議：(1)賠款四百五十兆兩，分期至西歷一九四〇年償清；(2)各國得常駐戍兵，衛護使館；(3)京津間不得設兵備，并毀大沽礮臺及有礙京師至海通道各礮臺；(4)改總理衙門爲外務部。約既定，那拉太后偕德宗還京，廢大阿哥，各國相繼撤兵。惟俄兵駐東三省者不肯撤，日本以向者俄之聯合德法脅還遼東也，故怨俄，至是遂屢促俄人撤兵。俄人不聽，陰主用兵，於是有日俄之戰，結果俄人讓出南滿爲日本勢力範圍，以旅順大連兩要港租借權歸日本。

一九五 和議定後之新機

那拉太后受鉅創，乃不能不議改革，以塗飾人民之耳目，於是下詔再變法。然此支節之改革，終不足饜人民之意，一時士論、或主君主立憲，或主民主共和，皆從事根本改革之研究，迥非向者康有爲之變法主張所能限制矣。同時日俄戰役起，俄羅斯

革命運動

以龐然大國敗於新興之日本，立憲之效大見，要求立憲之聲遂騰播全國。加以孫文黃興等之革命運動，又時時活躍，章炳麟等又竭力鼓吹種族革命之說，更有非立憲所能滿意者。清政府懼之，乃始爲立憲之預備。

一九六 預備立憲

考察憲政

民國前七年，即清光緒三十一年，清政府派載澤等五人出洋，考察憲政。次年，先後歸國，開御前會議，決定立憲，詔示全國。人民頗踴躍，凡外交內政有違反民意者，輒開會討論，發電爭持。政府則恐其藉口立憲以干政，下詔嚴禁之，憲法進行又多因循，人民始知其猶吝而不與也，平和者屢起請願，激烈者遂加入革命運動。政府懼人心之日失，始於民國前四年八月下詔定實行立憲年限，以九年爲期。民國前二年，新官制之內閣成，以貪鄙著稱之親貴奕劻載洵，壽皆入閣，新設之資政院議長又爲欽派之親貴溥倫，立憲之假面目盡揭，人民用是遂絕望矣。

預備立憲

第二十一章 地方制度之沿革

一九七 行省制之起源

宋鑒於唐代藩鎮之禍，務收大權於中央，分國中爲十五路，後又分爲二十四路。元起，設中書省一，謂之「腹裏」，行中書省十二^(一)，皆置丞相以掌政務。行省制於是成立。明制、行省長官爲布政使司布政使，職權不如元制丞相之尊崇，且別有按察使掌刑獄，都指揮使掌兵馬，皆直隸中央。蓋地方權固尙輕也。

注 「(一)」(一)腹裏、統河北、山東、山西、等地；(二)嶺北行省、統漢南北諸地；

(三)遼陽行省、統瀋洲等地；(四)河南行省、統河南、湖北、安徽、江蘇、等地；(五)陝西行省、統陝西、甘肅、等地；(六)四川行省、統四川及湖南、貴州、等地；(七)甘肅行省、統甘肅等地；(八)雲南行省、統雲南等地；(九)江浙行省、統江蘇南部及閩、浙；(十)江西行省、統江西、廣東、等地；(十一)湖廣行省、統湖北、四川、湖南、貴州、廣西、諸地；(十二)征東行省、統高麗等地；(十三)阿母河行省、統蔥嶺以西地。

一九八 地方權之漸重

明制、有時命京卿巡撫地方，有軍事則命之總督軍務。總督巡撫、因事設官，不限地域，事畢即撤。滿清入關，又沿明制而變通之，以總督部堂、巡撫部院、爲各省行政長官；布政

地方權突
過中央

按察，轉爲其屬員。及太平軍興，清政府又以東南之事，盡委於曾李諸臣。其後曾李皆以相臣資格爲疆吏，地方之權，浸至突過中央^(一)。於是地方之權始重。拳匪亂起，八國聯軍入京，東南各省督撫李鴻章劉坤一張之洞等，遂以疆吏資格，與外人立互保之約，不受中央亂命矣。

注 ^(一) 吳汝綸李文忠公神道碑：『國家制相權在政府。公與曾公爲相，皆總督兼

官，非真相。中外鑒望，聲出政府上。』

備覽 地方區畫，祇元可稱若干行省，明當稱若干布政使司，清當稱若干部院也。

一九九 地方自治之消長 元創廓大之行省制，但其村邑之間則

有農社：五十家立一社，擇高年曉農事者爲之長。凡種田者立牌檝於田側，書明某社某人；社長以時點視之，負督教之責。凡疾病凶喪農桑旱潦，均由社中人自相營救。明初最重耆老，令州縣設立「老人」——亦稱「里老」，選年高有德，衆所信服者，使勸民爲善，并理其鄉之爭訟。惜其後名存而實亡。迨至明末、鄉紳之橫暴彌甚；清初乃借之以壓抑

元時民治
發達

士人，一切民間利病，不許士人上書；且不許輕入有司衙門。迄乎宣統時，各省有諮議局之設立，地方紳民始得參與政事。

備覽 自秦漢有鄉官之制後，北魏孝文帝時，又五家立一鄰長，五鄰立一里長，五里立一黨長，凡長皆取鄉人強謹者爲之，以算戶口而息爭訟。隋廢鄉官。唐制：百戶爲里；而兩京及州縣之郭內分爲坊；郊外爲村。里及村坊皆有正；里正兼課植桑催調賦役之事。宋王安石富國，行保甲法：十家爲保，有保長；五十家爲大保，有大保長；十大保爲都保，有都保正副。每保置牌，以書其戶數姓名。二丁以上選一人爲保丁，職在習戰事，警盜賊，發奸邪。安石志在改募兵爲農兵，然亦不失鄉里自衛之意。

第二十二章 近世期之文藝及科學

二〇〇 宋元明清文學趨勢之大概 本期文學上之趨勢，與前兩期大異者，卽自宋以後向所視爲文學正宗之詩詞古文，其發展迥不如民衆文學之戲曲小說也。茲略述其趨勢如下：

1 詩詞古文 詩詞古文在宋皆大盛。歐陽修曾鞏王安石及三

蘇之古文，與唐之韓柳稱八大家。詩則黃庭堅以下之江西詩派可

詞爲宋代文學特色

桐城派古文

曲爲元代文學特色

爲其代表。詞本起於唐，實爲樂府之餘音，亦謂之詩餘。宋蘇軾秦觀導其先，周邦彥集其成，姜夔爲其後勁。女作家則有朱淑真李清照。詞實爲宋代文學特色，其變卽爲元曲。元以蒙古新興之族，征服一國卽用其國之文學，故當時政府之文誥，俚語方言雜出其間，向民衆文學一方面進展，詩詞古文陡形衰落。明人之詩多摹唐，而古文則何景明李夢陽摹秦漢而不成，歸有光仍復於八家。清代最有勢力之桐城派古文家方苞姚姬傳、卽淵源於歸者也。清詞多宗宋，詩亦不外唐宋兩派。故元明清之詩詞古文，作家不可謂不多，要不能出唐宋之範圍。

2 戲曲

曲本爲詞之變，自宋趙德鄰之諱詞(三)，金董解元

之西廂彈詞，已開其端，至元明清而大盛。自董解元西廂彈詞，已有唱有白，較諱詞爲進步。元王實甫起，乃本之以作西廂記，遂爲戲曲之祖。然元曲漸染蒙古方言，南人不易領會，元末高明作南曲琵琶記，與西廂記可稱媲美。其他雜劇之傳於今者以百計。故戲曲實爲元代

文學特色。明代戲曲之著者有湯顯祖之四夢，阮大鍼之燕子箋。清則有孔尚任之桃花扇，洪昇之長生殿，皆南曲中之最著者。

3 小說 小說之發達，亦本期文學趨勢之產兒。宋仁宗時，天下無事，每日必進一奇異之事以爲娛。頭回之後，繼以話說，以白話述之，是爲章回小說所由昉。後之宣和遺事，卽其體也。至元施耐庵之水滸，乃爲成熟之作品。自是漢唐以來小說之面目盡變矣。清時，曹雪芹之紅樓夢出，尤蔚爲大觀。吳敬梓之儒林外史一書，尤開寫實小說之風，并往者兒女、神怪、英雄、之取材亦盡變之矣。

注 〔一〕江西詩派之名，始於呂居仁之江西詩社宗派圖。其實宗派中人各處皆有，不過以黃庭堅爲宗派之祖，而庭堅江西人也，故名。〔二〕趙德鄰取唐元微之會真記，

或仍原文，或加刪削，於吃緊處則繫以蝶戀花詞謂之諱詞。——董解元王實甫之作，亦皆以取材於會真記。〔三〕湯顯祖，明臨川人。著有還魂記，爛柯記，邯鄲夢，紫釵記

劇本，世稱爲臨川四夢傳奇。〔四〕宣和遺事不著作者姓名，有以爲宋人所記者。上卷

記宋徽宗之荒淫，下卷記當時社會之亂況；而記宋江等之事尤詳，似爲水滸所自本。其

書半爲文言，半爲當時語體，確爲未成熟之章回小說。

備覽一 元選用風憲官上諭：『本臺官奏：世祖皇帝立御史臺選用着好人呵，本爲替治國家大勾當行來，難同有司選法，理算日月，給由詮註。風憲裏選得識治體好人呵，國家大勾當裏得濟。有今後若公事上不肯向前，風憲裏不宜入來的，將他每的顏色呈與省家選彼；肯向前行的，俺風憲裏陸用。這般行呵，激勸多人有奏呵。奏聖旨那般着。』

備覽二 唐代最初以詞著者如李白菩薩蠻：『平林漠漠烟如織，寒山一帶傷心碧。眠色入高樓，有人樓上愁。玉階空佇立，宿鳥歸飛急。何處是歸程？長亭更短亭。』又如張志和漁歌子：『西塞山前白鷺飛，桃花流水鱖魚肥。青箬笠，綠蓑衣，斜風細雨不須歸。』唐人詞小令爲多，與當時之詩，實無甚出入也。

備覽三 宋時白話詩詞盛行，邵雍伊川擊壤集詩：『不知何處打成鉞，一打成鉞便刺心。料得人心不過寸，刺時須刺十分深。』黃庭堅歸田樂詞：『對景還消受。被個人把人調戲，我也心兒有。憶我又嗔我，見我，嗔我，天甚教人怎生受。看承幸則勾，又是尊前眉峯皺。是人驚怪，寬我忒攔就。揀了又捨了，一定是這回休了；及是相逢又依舊。』

二〇一 八股之流毒 本期中思想學術上有一大敵焉，卽八股取

士之制是也。自宋王安石以經義試士；元仁宗時，變更格式，遂爲八股文之濫觴。明中世後，法式愈嚴；體制必須對偶，取題必限於四書五經，陳義須作古人口吻，限以一先生之說，無作者自抒己見之餘地。故專制帝王常持此以束縛士人之思想。其禍沿明以至於清，影響於學術之荒落者甚鉅。

注

〔一〕四書：大學、中庸、論語、孟子也。五經：易、書、詩、春秋、禮記也。

備覽

近人有以爲元代戲曲盛行，八股格式因仿之：如破題、承題、猶曲之有引子；

起講、提比、中比、後比、結比、猶曲之有套數；領題、出題、猶曲之有賓白；而描摹古人口角以偏肖爲能，實與曲相符。說亦近理。不過戲曲可將作者個性，藉所演之事實而發揮；而八股則限以經義，尤須束縛於一先生之言，作者絕無發揮個性之餘地。故戲曲有文學價值，八股則無絲毫文學價值可言也。

二〇二 宋元明清之藝術 此期中之藝術，可分書畫音樂二項述

之：

1 書畫 宋元明畫家輩出，大抵規範唐人；然自元黃公望倪

畫風至元
一變

瓚等以簡逸爲天下倡，畫風乃一變。明清畫家多受其影響，往往不滿意於界畫〔一〕，以寫意爲尙。至清王翬畫兼衆長，實集唐以來南北派之大成，恽壽平之寫生，亦能推陳出新，自樹一幟。更有吳歷者本基督教徒，習與歐人處，其畫頗參以西法。然自清季西洋畫流行，將來與中國畫合流，必且大放異彩矣。書則自宋之蘇黃米蔡以至清代中葉之劉墉王文治，無不出於帖學。自包世臣力揚南北朝時北朝之碑刻，是爲有碑學之始。集其成者爲張裕釗，碑學遂有取帖學而代之之趨勢矣。

2 音樂

唐以來已有搬演故事之戲劇。至宋以小說與詞之發達，於是詞變而爲曲，敘述變而爲科白，用以搬演故事，遂開元曲本之端。元之唱南北曲者，已副以絃索檀板。至明崑山魏良輔更革舊習，始備衆樂，而戲劇乃大成，是爲崑曲。其所謂衆樂者，有古樂器之笙鼓，亦有外來樂器之胡琴羯鼓，蓋合中外樂器而和之。至清季西洋

崑曲

碑學興

音樂復輸入而大盛。蓋中國藝術之無國性者，莫音樂若；以自古樂亡後，即從來無自己之音樂矣。

他如建築雕刻等藝術，自漢以來，固亦日在進展中，至清季亦受西洋藝術之影響而漸變矣。

注 「一」畫家作宮室樓臺，先用界尺作直線，曰界畫。元湯屋謂：世俗論畫，有三科，山水打頭，界畫打底。

二〇三 清代科學之發展

明末清初歐人東漸，歐洲學術因以輸入。清中葉後、門戶大開，歐美學術進步，又正在一日千里；於是科學向不發達之中國，遂不能不急起直追。醫學、自東漢張仲景著傷寒論，唐甄權著脈經後，惟明李時珍之本草綱目爲一大貢獻。清中葉後，始有西醫之輸入焉。曆算、自明末以湯若望爲欽天監，入清後，更以比利時人南懷仁 Ferdinandus Verbiest 佐之，以西法作時憲書，自是曆法皆用西法。其融合中西而成曆算大家者，以清初梅文鼎爲最著，繼之者有李銳

科學尚在
稗販時期

張作楠等。清季尤以李善蘭華蘅芳爲其後勁。江南製造局所出之算學理化等書，多出李葦之手。地理向爲吾國所重視，至清則伴史漢學之發達而益進。地圖亦至清始精，有胡林翼之大清一統輿圖，鄒代鈞之中外輿地全圖，楊守敬之歷代疆域沿革圖。今之治地圖學者皆宗焉。其他歐美之社會科學如法律政治社會學等，自然科學如理化博物等，皆盡行輸入。然皆尚在稗販時期，而未有能自樹立之學者出焉。

第二十三章 近世期之民生狀況

二〇四 各民族競爭分合之大勢 中古期中、北徼各族如匈奴鮮

卑氏羌突厥回紇沙陀，亦嘗與漢族角逐中原，然猶以漢族爲主體。故雖占地建國，其勢亦小而暫，結果則皆同化於漢族而不能自存。至本期中，則北方民族代興，與漢族並驅而爭衡。契丹蹙宋於河北，女真蹙宋於江南，蒙古併宋，遂統一東亞。及蒙古衰，漢族又起而蹙之於漠北，統一中國本部，建設明朝，以與蒙古對峙。明之衰，蒙古亦不振，則女真

漢滿蒙逃
爲賓主

後之滿族復興，降蒙古，併明室，而建立清朝。故近世期寶漢、滿、蒙、三族迭爲賓主之時代也。回藏二族則挾其不可侮之生存力而周旋於其間。

二〇五 南北饒瘠之概狀

江南賦稅、自安史亂後，日益增重，故在唐時，已占天下全額之十九^{〔一〕}。自後女真蒙古各族、南徙中原，戰事日亟，農事日廢，西北之地味益瘠。加以黃河之大潰決、至近世期而益數；宋金元明、無代無河患，河淮之間、幾成廢地。而一方面則自宋室南渡，非盡地力無以立國；故江南益講水利，東南益以饒富聞^{〔二〕}。而自宋迄清，江南浙西田賦之擔負獨重^{〔三〕}，其原因亦正坐此。

江南講求
水利

注 〔一〕明丘濬大學衍義補曰：『韓愈謂賦出天下而江南居十九』。以今觀之，漸

東西又居江南十九；而蘇松常嘉湖五府又居兩浙十九也。』 〔二〕宋史食貨志：『南渡

後、水田之利富於中原。』 〔三〕宋徽宗時、浙西平江（蘇州）諸地積水新退，田多曠

棄。計利之臣獻議：募民耕種，官自收租，謂之官田。南宋末、由丞相賈似道主持，奪

浙西六郡官民戶逾限之田爲公田。元亦仍之而不改。明初，滅張士誠，其部下之田產，殆遍蘇松，悉沒收爲官田，照租額定賦稅。後更將官田重賦，併於民田。——明民田以五升起徵，官田以七斗起徵；至嘉靖時，不分官民，一律以三斗起徵。於是江南浙西之民大受其害，直至於清而未已。

二〇六 國家經濟政策之影響 此期中國家之經濟政策，其影響

於人民者，可分賦稅、幣制、實業、三項述之：

1 賦稅 自唐經安史之亂，版籍散失，計丁授田以徵賦之法

不能行，遂定爲夏秋兩稅制，後世皆仿行，大抵分田賦、丁役、兩者征之。明神宗時，行「一條鞭」法，總括州縣之田賦與丁役，以及土貢方物，悉併爲一條，徵收銀兩。民頗稱便。清初本亦併徵地、丁、兩稅，康熙時定新丁不加賦而丁役輕。雍正中復併丁於地，計畝徵收，遂無所謂丁稅矣。


2 幣制 自宋至清初，有一病民之經濟政策，即紙幣是也。

賦稅制之
變更併丁
於地

紙幣之始

紙幣之害

三代秦漢以後，貨幣向以銅爲主幣，而輔以金塊。至近世期開始，而紙幣興。紙幣之始，起於唐之飛錢^(一)。五代時多鑄鐵錢。宋統一天下，以鐵錢重，難用，仿飛錢之制，爲設交子^(二)。嗣是南宋有關子、會子，金有交鈔，元明有寶鈔，紙幣遂與銅幣並行。歷代之發行此等紙幣，準備金皆不充足，又復以財政支絀而濫發，以致紙幣折跌，物價踊騰，人民坐受其困。清初亦嘗一行鈔法，旋廢止，專用銅幣——制錢，而以生銀爲輔幣。銀幣始於金，嗣後元明遂鑄成元寶、馬蹄銀，以爲用。清既專以生銀輔銅幣，於是制錢之價值又隨銀之豐歉爲轉移，而物價隨之^(三)。自明末西班牙銀圓輸入，是爲中國有銀幣之始。



。清末又鑄當十銅元，於是出入以銅元計，物價因之益昂。

注

〔一〕唐憲宗時，諸商賈至京師，委錢於諸路進奏院、及諸軍、諸使、富家，以輕裝趨四方，合券而取之，名曰飛錢。

〔二〕張詠治蜀，始設錢券，其制有效期限三年。三年之後，須換新券，謂之交子。其始令富人主之，後富人衰，乃由國家設交子務，發行交子，禁私造，乃成正式之紙幣。旋且推行於全國。

〔三〕清初銀一兩換錢七八百文。自與歐西諸國通商，銀遂逐年輸出。鴉片貿易一項，盛時歲輸出五千萬兩。至咸同

間，銀價漲至一倍以上。由是銀日少而貴，銅錢低折，物價遂日高。

3 實業

自漢已以重農抑商確定農業本位之政策，加以歷來政費之收入，又以田賦爲正項，故獎勵農業，幾爲歷代君主奉行之故事，亦視爲羈縻人心之惟一工具。然其所謂政策，大抵不外勸農、蠲恤、二者而已。商業向視爲末業。元用上海市舶司提控王楠之言，定雙抽單抽〔一〕之制，實合於保護政策。至清則因與太平軍之相持，設立釐征，而國內貿易之商困。江寧條約成立以後，海關稅權漸移於外人，而國外貿易之商亦困矣。工業亦如商業，向不重視。惟國民

自力發展之瓷器、漆器、刺繡、等有顯著之進步，如宋之景德窯、明之宜興窯、明楊埏所爲日本傳來之「楊倭漆」、明上海顧氏露香園之刺繡、至今猶皆膾炙人口，然皆手工業也。機器工業則至清末始有之，然機器皆購自歐美。漢冶萍公司規模較宏大，惜暗中爲日本人所操縱耳。

注 〔一〕番貨雙抽，土貨單抽。

總之中國政府向無經濟政策可言。自與歐人通商後，漏卮尤日增，益以迭次外交失敗，賠款累累，乃借外債；且開礦，築路，無不恃外債以從事；於是人民負擔日益重。

二〇七 國內之交通 國內交通可分陸路、水路、郵遞、三項述之：

1 陸路 自唐定驛站之制，至本期中皆因之而無甚發展。清世以轄地遼闊，於內地有驛傳，東三省西藏則有站，蒙古新疆則用軍

鐵路之始

臺。民國前三一年，開平礦務局築唐胥鐵路，是爲吾國鐵路之始。

2 水路 自元以海運與運河之河運相輔並行，南北交通益便

汽船之始

。民國前四十年設招商局，以上海爲中樞，與天津廣州皆有汽船往來。沿長江而入內地，可達四川之重慶，是爲吾國汽船航行業之始。

3 郵遞 郵傳自古有之，然止用以傳遞官中文報而已。唐之

郵電之始

諸路進奏院亦猶此制。至明始有民辦之信局。民國前一六年，乃始有郵政局之設。電報則以民國前三三年始試行於天津大沽間。

二〇八 奴婢及雜戶 遼元有所謂賜戶者，動輒數十戶，人之價

值同於貨賄^{二〇}。元初平定諸國，以俘到男女、匹爲夫婦，所生子孫、

永爲奴婢，謂之驅口，則又復於上古以俘虜爲奴之風^{二〇}。明制雖庶民

之家不許存養奴婢，而功臣之家方以奴婢給賞，縉紳之家亦仍許畜養焉

^{二〇}。至雜戶中如浙江之墮民，山陝之樂戶，亦皆不得與平民齒。墮民

之由來，相傳始於宋，爲宋罪俘之遺，其先以叛宋投金被斥者。樂戶則

皆明成祖時不附靖難者之族屬，世世不得自拔爲良。清世宗雍正元年、令樂戶墮民俱除籍爲良；五年又開除徽州府之伴僮，寧國府之世僕，並爲良民，不得謂非大改革。至乾隆時，又議定凡除籍之雜戶改業爲良，必限四世清白，方得列於士類。故至清末而此種不齒於市民之階級仍有存者。

注 「一」續通考：遼道宗以耶律伊遜先朝任使 賜漢八戶四十。元史：世祖三十九

九年二月、賜諸王塔刺海籍沒五十戶，願受二十戶。「二」見陶宗儀輟耕錄。「三」見

續通考；立券用值，工作有年限者，皆以雇工人論。恩養已久，配有室家者，照例同子

孫論。恩養未久，不會配合者，庶人之家，仍以雇工人論；縉紳之家，比較奴婢論。

二〇九 風俗 喪葬之屬，皆沿古制，而大同小異。其異於前兩

期者，則女子之受屈是也。自宋儒——程頭——倡爲「餓死事小，失節事大」之說，其後變本加厲，而女子受貞操之桎梏特甚。夫死不得再嫁，再嫁者幾不見齒於社會。且自五代時，南唐李後主妃曾娘開纏足之風

纏足之害

，入本期而其風益厲。女子之形體，復受一重大之桎梏。此其害直接女子受之，間接則漢人種之靡弱尤受其影響甚大也。然此風只限於漢人種，滿蒙回藏無此焉。此清末革新有志之士，所由極力提倡解放女子纏足也。

第四編 現代史——民國時代

第一章 辛亥革命及中華民國之成立

二一〇 革命黨之活躍 清末之主張改革政治者，可大別爲立憲、革命、二派。清政府既失人心，革命派遂大得國人之同情。先是中日戰役之次年，即民國前十七年，孫文設興中會於廣州，謀起事。事洩，遁走澳門，遂遊歷海外，壹意鼓吹革命。海外華僑及留學者皆傾心焉。民國前十二年，黃興宋教仁復謀舉事於長沙，不克而走日本。民國前五年，孫文至日本，乃與黃宋等組織同盟會，屢於內地謀起事。一方留學生之歸國者、或主教育，或主軍政，無不從事革命之宣傳。而於屢次舉事時，資之以經濟之力者，則又爲海外之華僑也。

二一一 武昌首義 民國前一年，清郵傳大臣盛宣懷倡鐵路國有政策，借外債以收粵漢川漢兩幹路歸爲國有。川鄂湘粵四省人民羣起反對，而以四川爲尤激烈。川督趙爾豐遽以謀叛報清政府，調鄂兵援川，

民軍佔領
武昌

而武昌守備力乃稍弱。革命黨人乘機入鄂運動。鄂督瑞澂知之，防之甚嚴，窮加搜捕，株連甚衆。鄂新軍亦不自安，與黨人合而起義，稱民軍，直撲督署。瑞澂等棄城走，民軍遂占領武昌，設軍政府，推新軍協統黎元洪爲都督，時清宣統三年辛亥八月十九日也。

二二二 南京政府之成立

清政府聞警，派陸軍大臣蔭昌督兵南下，海軍副大臣薩鎮冰率兵艦與長江水師助之。民軍與戰，清軍五戰而五敗，南方各省又紛紛獨立響應。清政府大懼，召回蔭昌，代以袁世凱舊部馮國璋、段祺瑞，卽起用袁世凱爲欽差大臣以節制之，馮軍連陷漢口、漢陽，武昌幾不守。會江浙聯軍定南京，長江千里，聯爲一氣，鄂軍形勢遂固。於是各省獨立軍政府各派代表於武昌，擬組織臨時政府；旋議決以南京爲臨時政府所在地，以十七省代表開臨時總統選舉會。孫文當選爲臨時大總統。改用陽歷，定五色旗爲國旗。旋召集參議員，組織參議院，代表會取消。中華民國之臨時政府於是成立。

中華民國
臨時政府
成立

漢滿蒙回
藏五族共
和

元年約法
正式國會
成立

二二三 南北議和及清帝退位 初、袁世凱之出也，即主與民軍

停戰議和。迨清政府令其入京組織內閣，遂派唐紹儀南下從事和議。各省軍政府亦公推伍廷芳為代表，與議於上海。以君主共和之爭持不能決，乃由世凱與廷芳直接電商。無何清將段祺瑞又聯合北方將士十餘萬人，電請改建共和；蒙古聯合會及東三省等士民繼之；袁世凱亦屢以為言。清政府於是決定以政權還之國民，合漢滿蒙回藏五大族而建一共和國，正式宣布退位，時民國元年二月十二日也。清凡二六八年而亡。

二一四 正式政府成立 南北議和既就緒，臨時大總統孫文以為

袁世凱有功，遂向參議院辭職，舉袁世凱以自代。參議院議決臨時約法七章五十六條，遂為中華民國憲法之權輿，即所謂元年約法也。依據約法，召集國會。民國二年四月八日行開幕禮，正式國會成立。北美合眾國墨西哥古巴巴西祕魯諸國首先承認中華民國。參眾兩院又選出憲法起草委員，合組憲法起草委員會；由會中先起草總統選舉法。民國二十年十

各國承認
中華民國
正式成立

月六日，國會議員依法選舉袁世凱爲正式大總統，黎元洪爲副總統。歐洲各國亦一致承認，中華民國乃正式成立。

第二章 蒙藏與英俄

二一五 英俄之圖蒙藏 當清之季世，俄之經營遠東，一方由蒙

入滿，一方誘致西藏^(二)。日俄戰後，俄在滿洲之勢力，爲日本所奪；

俄人經營
蒙古

在西藏之勢力，亦見播於英人；於是壹意經營蒙古。蒙人受俄之誘惑，先後遣使赴俄訂密約，而蒙事遂益急。西藏方面，清初本禁藏印交通

。自哲孟雄入英勢力之下，而西藏之屏蔽撤。清德宗光緒二年，始許英

人入藏。藏人雅不喜。藏兵入哲孟雄，爲英所敗。清政府又遏止藏人勿

戰，由是藏人對清政府信用日薄。會英人深得達賴喇嘛歡，達賴乃親俄

，尊俄皇以「護法皇帝」之號。英人忌之，乘日俄之戰，進據拉薩。達

賴逃庫倫，由班禪與英議和，西藏歸英保護。清政府與英交涉，結藏印

條約，僅收回西藏宗主權，時民國前五年也。

英人進兵
西藏

注 〔一〕有純粹蒙古族之布利雅德人，向居貝川河湖濱。十七世紀時始奉喇嘛教。

俄人利用之，使與蒙藏人相交結。

二一六 外蒙獨立 武昌革命事起，俄人遂以軍費助庫倫活佛哲

外蒙獨立

布尊丹巴胡土克圖獨立，稱皇帝，國號蒙古，建元共戴。蒙古全部，除

取消獨立

內蒙贊成共和外，皆屬焉。民國成立，俄人乃與活佛訂協約：蒙古政府與中國或他國立約時，不得俄允許，不能違背或變更協約。政府向俄抗議，內蒙古王公所發起之蒙古王公聯合會亦宣告不承認。民國二年，庫復聯合侵內蒙，政府遣軍出擊，未能戡服，乃與俄訂定聲明文件：大旨俄承認中國在外蒙之宗主權，中國承認外蒙之自治權。然活佛尚不肯取消獨立。三年九月，中俄蒙又會議於恰克圖，年餘，始訂定中俄蒙條約，庫倫取消獨立，而蒙事得暫告一段落。

二一七 西藏問題 庫倫活佛之稱帝也，西藏達賴亦自稱西藏皇

西藏內犯

帝，與庫倫活佛私訂蒙藏協約。嗣復誘致川邊諸番與共內犯。官軍進擊

西摩拉會
議

之，達賴有意求和，英公使亦重提西藏問題，政府乃遣使與英藏代表會議於西摩拉。英主分西藏爲內中外，內藏歸中國、外藏中藏准其獨立，我代表不允，會歐戰起，議遂中輟，至今未解決。

二一八 外蒙匪亂 民國七年，俄之過激黨人侵入外蒙，庫倫乞

援。政府派察哈爾綏遠各軍救之。八年，俄舊黨謝米諾夫復騷擾外蒙，

勸誘活佛獨立。活佛苦其逼，並請取消自治。外部乃照會俄公使取消中

俄舊黨與
蒙匪

俄蒙條約。謝米諾夫復聯絡蒙匪，併力陷庫倫，劫活佛，匪勢大張。於是庫倫復獨立。而俄過激黨所組織之赤塔政府，又自由行動以兵逐去庫

俄人占據
庫倫

倫之俄匪而占據之，聲言事定交還。既而俄舊黨失敗，謝米諾夫遁，匪亂平。外蒙王公及活佛先後呈請內向。赤塔政府亦願與我通商，政府乃以交還庫倫爲交換條件，議未諧而赤塔復與歐俄之蘇維埃政府合併，此事至今未解決也。

第三章 民國成立後之政治紛擾

二一九 袁世凱之野心及帝制運動

袁世凱本無民主思想，故自

就總統職後，即分佈其所統之新建軍將領督兵各省。旋又利用各省疆吏，解散國會，妄改約法。猶以為未足也，更進而為帝制運動：先使近習之政客，組織籌安會以鼓吹之；暗使各省疆吏指派國民代表，組織國民代表會議，以解決共和君主兩制之去從。民國四年十二月、國民代表大會舉行國體投票，一致贊成君主立憲，并推戴袁世凱為皇帝。然同月二十五日、蔡鐸唐繼堯已自雲南發檄討袁，將兵北伐矣。不數月而貴州兩廣浙江等省相繼加入討袁軍，組織軍務院，推唐繼堯岑春煊主持之。袁氏知事去，恚而死。黎元洪依法繼任總統，時五年六月六日也。

二二〇 張勳復辟

黎元洪既繼為大總統，即恢復元年約法，召

集二年國會，任段祺瑞為國務總理，時唐岑等雖宣告撤消軍務院。然自是西南各省隱然具有一種勢力矣。未幾歐洲參戰問題起，段主加入，黎主慎重，國會多數亦主慎重，袁黨部所謂北洋派之各省督軍、受段意，

倡解散國會之議。黎遂免段職。北洋派各省即宣告獨立。惟安徽督軍張勳尙電黎陳說時局。黎命其入京。張勳遂率兵北上，脅黎解散國會，旋擁清宣統帝復辟。黎總統避居日本使館，電請副總統馮國璋代行職權。段、祺、瑞遂至馬廠誓師討逆。六年七月進逼北京，張勳不支，遁入荷蘭使館。段、祺、瑞乃迎馮代總統入京，仍本其參戰政策，實行對德宣戰。

張勳復辟
對德宣戰

二二一 南北政府之對峙

民國六年、黎受張勳之逼而解散國會也，廣東督軍陳炳焜、廣西督軍譚浩明、遂通電自主。復辟事平，段召集臨時參議院以代之；舊國會議員乃南下赴粵，開非常會議，合西南諸省組織臨時政府，舉孫文爲大元帥。七年五月、修正軍政府組織大綱，選舉唐紹儀、唐繼堯、孫文、伍廷芳、林葆懌、陸榮廷、岑春煊等七人爲政務總裁，推岑春煊爲政務總裁主席。於是南北政府對峙之局成。然自是以還，北方有直皖之爭，直奉之爭；而南方亦有粵桂之爭。紛擾仍無已時焉。

南北對峙

第四章 中日交涉

二二二 山東問題與二十一條之要求 歐戰事起，日本藉口英日

同盟〔二〕加入戰爭，以兵迫令德國將膠州交付日本，以便歸還中國。德人不允交付日本，願直接交還中國。日遂派兵攻取而據之。民國四年一月十八日，日本又無端以非常手段向中國提出無理之二十一條要求。五月七日竟致最後通牒於中國政府，強迫於四十八小時內承認焉。

注 〔一〕英日同盟訂於民國前十年。日利用英以抗俄，英則利用日以維持其遠東勢力，凡皆所以防俄也。歐戰中，英與德為敵，故日人藉口英日同盟以抗德。

備覽 二十一條之大意，關於全國者六：（一）沿海島嶼港灣不得借讓與他國；（二）聘日本人為政治財政及軍事等顧問；（三）招聘日本人為警察官，助理行政；（四）中國軍器百分之五十須購自日本；（五）軍器製造廠中如雇用外國人時，必用日本人；（六）許日本人在中國傳教，得自由設立學校、教會、寺院、病院。關於山東省者四：（一）山東省內屬於德國權利之鐵路及礦山，均讓與日本；（二）於山東重要各地開放商埠；（三）煙臺至濰縣及龍口至濰縣鐵路建築權，讓與日本；（四）山東省各地不得讓與他國。關於南滿者四：（一）旅順大連之租借期改訂為九十九年；（二）安奉鐵路之合同期限亦改為九十九年；（三）南滿各

處鐵路地帶之警察權許與日本，與南滿幹路同；(四)南滿地方許日本人以居住耕作及經商之權利。關於東蒙者三：(一)東蒙古之礦山探掘權許與日本；(二)東蒙古之鐵路，非經日本許可，他國不得建築；(三)東蒙地方許日本人以居住耕作及經商之權利，與南滿同。關於福建者一：福建省內之礦山、鐵道、造船所，非經日本之許諾，不得讓與他國。關於長江流域者三：(一)漢冶萍公司歸中日合辦；(二)中國如欲經營與漢冶萍公司競爭之礦業及製造業時，須先與日本協議；(三)自南昌至韶州、九江至武昌、南昌至杭州、等鐵路之建築權許與日本。

二二三、巴黎利會與山東問題 民國七年十一月、歐戰告終，開

和平會議於巴黎凡爾塞宮。中國亦以協約國之一員與會。中國代表提出於和會者：(一)由德國直接交還在山東一切之權利；(二)取消被迫承認之二十一條要求；(三)希望列強所得於我種種不平等之權利：領事裁判權、關稅協定、外國郵局、外兵駐防、皆依據公理撤消。然日本於民國六年與英法俄意各有換文，承認日本取得山東權利於德國，我國不知也。及和議開，全權操縱於英法日意五強國之手。英法等皆牽於換文

，一致袒日；美亦不能抗。我代表以日本不允將山東權利交還中國一語加入對德和約中，乃請附約後，不許；改在約外，又不許；改用聲明保留，又不許；改爲分函聲明，不因簽字而有妨將來之重議，又復完全被拒。於是國人大譁，羣責代表以不簽字於德約。陸徵祥等五代表乃單簽與約而歸。

注 〔一〕歐戰中英法俄意比中口等國爲一方，謂之協約國；德奧土等國爲一方，謂之同盟國。

二二四 五四運動 先是日本提出二十一條要求時，中國國民已

大憤激，集合團體，不用日貨；且倡救國儲金，振興國貨以抵制之。海外華僑、學生、亦電政府拒絕。至是不得直於和會，羣情益憤，五月四日、北京中學以上十三校學生，凡三千餘人，以請願爲名，爲示威運動；且請罷免曹汝霖陸宗輿章宗祥三親日派。全國學生先響應；商界繼之，上海商店首先罷市，杭州、南京、武漢、天津、九江、山東、安徽、

拒絕直接
交涉

廈門、繼之：工界亦有罷工者。政府知民意之不可侮，乃罷免曹、陸、章，日本亦知吾民氣之不可侮，乃屢以交還山東權利誘我與直接交涉。國民復監督政府，不許墮其術中。

二二五 華盛頓會議

巴黎會議、美代表威爾遜總統齋和約歸，美上院以山東問題處置之不得其平，不批准和約。會新總統哈定當選，欲挽回其國際上之地位，乃召集太平洋會議於美京華盛頓。中國亦被邀請。中國代表所提出之主張，仍不外巴黎和會中所提出。會議結果：關稅增加，客郵、無線電、撤去，則皆通過作爲決議案；領事裁判權及駐華軍警、雖決議，然須俟各國派員來華調查再定。二十一條、美國助中國主撤消，中國又聲明保留再議此事之權，則與英之允還威海衛、及法之允還廣州灣，皆未決而列入會議紀錄中。惟山東問題、日本堅主直接交涉，中代表力主在大會公開會議。後以英美兩國之調停，在會外開議。議決：青島中德人之所有，無條件交還；日本所增修者，估價收之，

膠濟鐵路亦估價購回；護路日軍撤去；膠澳全部由中國自開商埠。歐戰以來之山東問題，乃告一結束。然二十一條之要求，僅解決其小部分，大部分依然尚在，此則視我國民之努力矣。

備覽 我代表提出十原則以爲討論基礎，大意爲各國當尊重中國之領土完全及政治獨立，中國所失權利當收回。經美代表路德 Root 改訂爲四原則：(甲)尊重中國之主權獨立及領土與行政之完全；(乙)給與中國機會，俾發展維持一有力安固之政府；(丙)各國在華工商業機會均等；(丁)各國不得謀特別利益及有害友邦之舉動。此四原則并經決議之開放門戶案，否認勢力範圍案，尊重中國獨立案，一律彙入遠東九國協約。

第五章 文化運動

二二六 文化運動之動機 自清季以來，歐西文化不斷輸入。然

始不過炫於其船堅礮利而已，目的在武備革新，是爲第一期。自戊戌政變以迄於清之亡，民主政治之成立，其目的在政治革新，是爲第二期。然改革之後，政體與國民精神間時現衝突，愛國之士覺有革新國民精神。

之必要，於是文化運動起，是爲第三期。

二二七 新舊思想之衝突

中國之國民精神，二千年來本皆寄託於孔子。清季章炳麟以漢學健將，已將孔子之價值重新估定^{〔一〕}。青年學者對於孔子，本已不如前者之迷信。自蔡元培爲北京大學校長，輔以錢玄同胡適諸教授，遂盡力爲革新文化之運動，全國青年靡然從之。於時林紓乃以綱常名教之說責蔡元培，同時北京大學同學中亦有國故雜誌，頗非難新文化運動。然此種反對之力皆不大。

注 〔一〕章氏以爲孔子之功在以古道術傳布於民間，然其學實不及流荷；又謂其爲良史，而漢劉歆足以抗之。

二二八 文學革命

清代文學，本以桐城派古文爲盛，末年更得吳汝綸爲之後勁。嚴復林紓出其門，嚴以之譯西洋哲學書。林以之譯西洋小說。然均尙詞采，已非方苞義法謹嚴之古文。梁啟超矯之以流放，舉古文之藩籬，摧蕩之而無餘，其文極有條理。清末頗風靡一時。民國

初、章士釗出，以西洋論理學爲基礎，爲文條理極精密。雖爲古文，而實已歐化。古文之通變，於斯已盡其能事，然終以程度太高，不能普遍於民衆。胡適錢玄同等根本覺古文之不便於用，乃高張其文學革命之旗，以語體代古文。中國文學史上遂由是開一新紀元矣。

二二九 國語運動

文學革命之旗幟既張，於是胡適之建設的文學革命論出。彼其所謂建設者，卽欲以文學爲工具，而襲定一種標準國語。於是久在進行之國語運動益顯其發展之象。蓋自清季已有統一讀音之運動，如王照之著官話合聲字母，勞乃宣之創簡字，著簡字譜。民國二年，教育部召集國內學者開讀音統一會，議國語統一方法。讀音統一會遂議定注音符母以代自音以來沿用之翻切。七年，更由教育部正式公布，使各省推行。將來國語統一，此其權輿也。

二三〇 社會問題

中國社會本以農爲本位。自漢確定重農政策以來，社會上大率以農爲本業，以工商爲末作。農業亦無農奴之制，田

主雇工皆通力合作。卽有田主不合作，使佃戶代耕者，亦以契約定之。且所輸納於田主者，亦不及其生產之半。工業亦向無大規模之組織，而惟有手工。工肆之主亦與雇工合作。故向無所謂社會問題，有之惟雜戶奴婢等階級問題。然至清亦已蠲除。婦女向爲禮法所束縛，而婚娶及居處又受父母舅姑之監轄，此社會待遇之不平者也。清季以來，工商漸發展，大都會中資本勞動之階級漸分；女子教育漸發達，而婦女解放之問題以起。民國前六年，李煜瀛等在法國辦「新世紀」報，已於提倡政治革命外，并提倡社會革命。益以革新文學以來，新文學者盡力提倡人的文學〔一〕，輸入歐洲自然派〔二〕之作品，以之返證於現社會，而社會改造之討論益急矣。

注〔一〕周作人著人的文學一文，以爲文學乃所以描寫真實的人生，而非以寫想像的非人生者也。〔二〕自然派小說大抵以實際的人物事件爲材料，而如實描寫之；極

端排斥理想。故此種作品之描寫，不免將社會上種種苦痛與醜惡，盡情宣洩而無餘。

社會革命

社會改造

二三一 歐美學術之輸入及國故之整理 自嚴復譯天演論後，「物競天擇」之說傳入中國，於是學術思想乃起一大變動，嗣是歐美古今哲學家之學術更相繼輸入。民國八年以後，杜威 Dewey 羅素 Russell 杜里舒 Derrich 復相繼東來講學，思想界益形活躍。一方有人輸進西方學術，一方又復有人整理吾國故有之學術。自清季 楊文會 盡力宣揚佛敎，康有為復欲根據孔子為文藝復興之運動，於是學者對於國故之整理，與清儒大異其趣。譚嗣同 章炳麟 遂參合中印學術而立言。章氏 所詣尤深，實為承先啟後之一人。自革新文化運動後，雖一方抨擊中國舊有之思想，一方又實取國故而整理之，從新估定其價值。故老 孔 孟 荀 莊 墨 等之學說，以至唐 賢 之佛 學皆因以大明。將來整理吾東方固有之學術，參合歐洲輸入之學術，本吾先民調和中印 文化之精神，以成世界新學術，固非異人任也。

全書結論

歷史者，所以記述人類社會延續之活動，以明其遞嬗之跡象，使吾人得自認識所處之地位，而確定自己之趨向者也。總吾先民之所活動，得以縱橫兩方面之六點觀察其遞演之徵：

縱的方面 社會之進化、文化之發展、政治之變遷；

橫的方面 疆土之開拓、諸民族之接觸及結合、文化之交換。依據此六者，吾先民之所活動得分爲四期述之。

第一期——上古——自黃帝建國至秦之統一。在此期內：

縱的方面 貴賤階級、由形成以至陵夷而破壞，農業社會成立；
漢族文化單獨發達，由胚胎而成熟；部落蛻化爲封建，及封建破壞而成郡縣。

橫的方面 疆土由黃河流域而發展至長江流域；域內未開化之蠻、夷、戎、狄、感受漢族之同化；與域外無交通。

第二期——中古——自秦之統一至宋之統一。在此期內：

縱的方面 貧富階級漸盛，本期中葉所養成之士庶階級逐漸衰落，至本期末而完全破壞，奴婢制度確定；上古之巫術至本期而大盛，結晶爲方術及道教，佛教自印度東來而發揚光大；政治則爲權臣鎮將上與帝王爭政，篡殺相尋之局面。

橫的方面 疆域更由長江流域發展至珠江流域，而確定中國本部之界線；西北兩方邊境外之民族侵入，而卒受漢族之同化；與日本南洋及中部西部亞細亞交通頻繁，回教、摩尼教、景教、祆教、相繼輸入。

第三期——近世——自宋之統一至民國之肇興。在此期內：

縱的方面 種族競爭之禍日亟，戰勝民族與被征服民族間之階級，旋起而旋滅，奴婢階級亦漸歸於剷除；漢族文化與印度文化合流；君權絕對無限，專制更進步，乃至君主政體告終——第一

期爭帝位者爲諸侯，第二期爭帝位者爲權臣鎮將，第三期爭帝位者爲異民族間。

橫的方面 現今中華民國之疆域於本期中確定；滿、蒙、回、藏、諸民族以次加入而爲現今五族共和之張本，與歐美兩洲關係日接近；歐洲文化以漸輸入。

第四期——現代——自民國肇興以迄於今。在此期內：

縱的方面 勞工婦女之地位日漸增高；中國固有文化從新受估定而加以整理；民主政治確定，地方權日重。

橫的方面 疆域民族無變更；國際關係日密接，歐洲文化輸入益盛，有與固有文化合流之趨勢。

然此五族共和之民國，成立未久，各方皆正在延續活動中。如何而可以發揚光大吾五族先民之活動精神，是則全在吾人之努力矣。

新中學教科書初級本國歷史卷下終

青年寶鑑

布面精裝一冊一元二角

本書程度適合高小及中學初
 年參考或幼年未入學校長年
 欲謀自修之用科目分修身作
 文歷史地理算術理科軍事大
 意圖畫唱歌自修法等十一類
 凡國民應具之知識無不完備
 各科文字力求淺顯記述又極
 詳確所附插圖無不精細袖珍
 洋裝尤便攜帶青年男女人手
 一編凡普通之學識自可不勞
 而獲學生得此可助記憶亦便
 檢查

國民立身訓

謝无量編
一冊六角

國民之要素在培養基礎欲培養基礎必自立身
 始是書六編專示吾人立身之必要第一編立志
 論第二編力行與勇氣第三編科學工藝發明家
 之模範第四編職業及處世第五編人格論第六
 編修養論原原本本可法可則洵國民必讀之書

訓育談

李廷翰編
一冊二角

訓育所以養成學生個人與國民之資格非加意
 研究不足以策勵學生是編專為訓育兒童而作
 凡訓育之目的方法秩序無不一一俱備編者本
 其教育上之經驗輯成是書校員得此不特可矯
 正學生之弊病抑亦可表示青年之模範

教育部
審定

世界改造大地圖

全一大幅
一元六角

根據凡爾塞條約凡戰後各國疆域之變更悉為調查繪列詳明全圖彩色精印一大幅附圖四幅說明三篇為世界改造後唯一最新地圖

世界改造分國地圖

甲種二元
乙種六角

是圖據最近調查如戰後改造各國之新壞舊界割地新立國等繪列甚明瞭如指掌(甲種)五彩精印附地誌地名表一冊(乙種)兩色精印附說明多種

世界分國新地圖

彩印一冊
定價六角

是圖於世界形勢分國彩繪凡歐戰後各國疆域之變遷如新興之國新割之地悉據最近調查分別編制內容簡要明顯適合高等小學之用

中 華 書 局 發 行

清 朝 全 史

布 面 二 冊 定 價 五 元

清朝全史。係日本早稻田大學法學士前總統府
秘書但濤等譯輯。內容精審。敘述詳實。曩因忌諱
湮沒之事。無不博訪周考。載其本末。自建國滿洲
起至宣統遜位止。尤注意於文物制度及海禁開
後之變遷。讀之可瞭然於過去三百年之大勢。及
吾國致弱之由來。洋洋二十萬言。附寫真銅版五
十四幅。爲清史中第一佳構。

新 世 紀 叢 書
新 疆 遊 記

謝彬著 一厚冊 一元二角

書係日記體。計費時四百廿七日，行程四萬六千餘里，足跡所經，觀察所及，將廣大富源未經開發之新疆，凡財政，吏治，軍政，國防，教育，實業，外交，交通，建置，等等詳載靡遺。且於財政劃界等問題，條陳意見；山川河流，相沿為地理家所錯誤者，亦經謝氏訂正不少。

中 華 書 局 發 行

教育叢書 個性論

舒新城譯 一册 二角

本書係美國有名心理學家桑代克教授所著以精密的科學態度作個性問題之探討發揮詳盡不僅為從事教育者所必讀且可應用於知人論世之各方面譯筆明暢

教六(11)

有 著 作 權 不 准 翻 印

民國十二年八月發行
民國十二年七月三版

新中學 教科書 初級本國歷史(全二冊)

【下冊定價銀六角】

(外埠酌加郵匯費)

編者 金華金兆梓
校者 杭縣戴克相
發行者 中華書局
印刷者 中華書局
印刷所 上海安寺路一九二號
總發行所 上海棋盤街
分發行所

北京 天津 保定 石家莊 張家口
濟南 青島 煙台 濰縣 周村
鄭州 開封 徐州 漢口
南京 蘇州 無錫 常州 南通
安慶 蕪湖 九江 南昌
中 華 書 局
武 昌 沙 市 長 沙
成 都 重 慶 萬 縣 宜 賓
瀋 陽 大 連 哈 爾 濱
青 島 濟 南 煙 台
石 家 莊 張 家 口
開 封 鄭 州
漢 口 蕪 湖
南 昌 九 江
長 沙 衡 陽
重 慶 萬 縣
宜 賓 瀘 州
貴 陽 遵 義
新 加 坡

(三一九一)



0.95

7